

列

朝

詩

集

列朝詩集詮次

乾集

上之

聖製

乾集

下之

睿製

甲集前編

龍鳳紀元至吳元年

太祖元末壬辰起義至丁未建國凡一十六年

甲集

洪武

建文

洪武開國至建文兩朝三十五年

乙集 永樂至天順

永樂洪熙宣德正統景泰天順共五朝六十二年

丙集 成化至正德

成化弘治正德三朝五十七年

丁集 嘉靖至崇禎

嘉靖隆慶萬曆泰昌天啟崇禎六朝一百二十四年

列朝詩集詮次

歷朝詩集序

毛子子晉刻歷朝詩集成余撫之愜然而歎毛子問曰夫子何歎余曰有歎乎余之歎蓋歎孟陽也曰夫子何歎乎孟陽也曰錄詩何始乎自孟陽之讀中州集始也孟陽之言曰元氏之集詩也以持繫人以人繫傳中州之詩亦金源之史也吾將倣而爲之吾以採詩子以庀史不亦可乎山居多暇謨次國朝詩集幾三十家未幾罷去此天啓初年事也越二十餘年

而丁開寶之難海宇版蕩載籍放失瀕死頌繫復有  
事於斯集託始於丙戌徹簡於己丑乃以其閒論次  
昭代之文章蒐討朝家之史乘州次部居發凡起例  
頭白汗青庶幾有日庚寅陽月融風爲災插架盈箱  
蕩爲煨燼此集先付殺青幸免於秦火漢灰之餘於  
乎憐矣追惟始事宛如積劫竒文共賞疑義相析哲  
人其萎流風迢然惜孟陽之草創斯集而不獲丹鉛  
甲乙奮筆以潰於成也翟泉鵠出天津鷓啼海錄谷

音咎徵先告恨余之不前死從孟陽於九京而猥以  
殘魂餘氣應野史亭之遺懺也哭泣之不可歎於何  
有故曰余之歎歎孟陽也曰元氏之集自甲訖癸今  
止於丁者何居曰癸歸也於卦爲歸藏時爲冬令月  
在癸曰極丁丁壯成實也歲曰強圉万物盛於丙成  
於丁茂於戊於時爲朱明四十強盛之年也金鏡未  
隊珠囊重理鴻朗莊嚴富有日新天地之心聲文之  
運也然則何以言集而不言選曰備典故採風謠汰

元長訪幽仄鋪陳皇明發揮才調愚竊有志焉討論  
風雅別裁僞體有孟陽之緒言在非否所敢任也請  
以俟世之作者孟陽名嘉燧新安程氏僑居嘉定其  
詩錄丁集中余虞山蒙叟錢謙益也集之告成在玄  
默執徐之歲而序作於玄月十有三日

列朝詩集

乾集之上

聖製

太祖高皇帝

二十八首

建文惠宗讓皇帝

三首

太宗文皇帝

二首

仁宗昭皇帝

九首

宣宗章皇帝

四十二首

孝宗敬皇帝

一首

武宗毅皇帝

四首

興獻王睿宗獻皇帝

一首

世宗肅皇帝

二首

神宗顯皇帝

一首

太祖高皇帝

太祖高皇帝御製文集共五卷翰林學士余詔鳳宋濂編錄濂之言曰臣侍 帝前者十又五年 帝爲文武不喜書 詔臣濂坐榻下操觚受辭終日之間入經出史哀哀千餘言嘗爲濂賦醉學士歌二奉御捧黃綬以進揮翰如飛須臾成楚辭一章 上聖神天縱形諸篇翰不待深思而成自然度越今古誠所謂天之文哉解縉曰臣縉少侍 高皇帝早林載筆墨楮以俟聖情尤喜爲詩歌睿思英發雷轟電燭玉音沛然數千百言一息無滯臣輒草書連幅筆不及成點畫上進才點定數韻而已或不更一字故常喜誦古人鏗鈞炳朗之作尤惡寒酸啞嚶齷齪鄙陋以爲哀世之爲不足觀詩僧宗泐進所精思刻苦以爲得意之作百餘篇 高皇一覽不竟日盡和其韻雄深闊偉下視泐詩大明之於燭火也臣謙益所撰集禮恭錄內府所藏弄 御製文集冠諸篇首以著昭代人文化成之始其它裨官小說委巷流傳及擬拾亂真者皆削而弗取載焉

神鳳操

鈞天奏兮列丹墀 飯飴酬兮鳳凰儀 敬翔翔兮棲梧枝 彼觀德兮直爲我龍

思親歌

苑中高樹枝葉雲上有慈烏乳雛勤雛羽少乾呼致飛騰用啞啞朝與昏  
有時力及隨飛去有時不及枝內存呼來呼去翎羽硬萬里長風百翼振  
又以雙飛緊相隨誰知返哺天性真吾思昔日微庶民皆我雛悴堂上親  
歎欲歎欲夢寐心不泯人而不如鳥乎將何伸

鍾山

遊山智盤旋俯谷仰奇嶺松聲細入耳雲生水石邊敲竹猿長嘯臨崖視  
鹿眠白鶴來天翅玄羽衣裳鮮采芝携桂子任意恣踟躕野人溪外語黃  
鸝嚶更便山靜鳥歸疾林深紫翠想遺源龍釣易伏巖吾年

又

昔往鍾山阿巖幽清興多薰風自南發森松鳴弦歌玄猿嘯白日丹鳳巢  
桐柯靈芝秀深谷祥雲盛巖我樹隙觀天碧天清似綠荷迴聞樵採木曲  
淵沿珠螺鳥樂山深還予歡顏亦和野人逢問處樂道正婆娑

鍾山巖吳沉韻

嵯峨倚空碧環山皆拱伏遙岑如劍戟迴洞非茅屋青松秀紫崖白石生  
玄谷巖畔毓靈芝峯頂森神木時時風雨生日山林沐和鳴盡啼鶯

舉皆飛鶴山中道者禪院頭童子牧試問幾經年答云常碎殺

廣僧韻

天台五百尊方寸皆明月影獨千江何曾有暫歇爲斯妙用通今古長  
不滅昔當懸挂時誠非凡可越住世及應真幾度阿僧劫假錫作梯航泛  
海濟如雪一旦杳無踪暫與沙門別儵忽覺禪中孰能爲機泄禪心曠無  
跡如海亦何竭僧本具他心宗門常合轍

寶光廢塔

寶塔摩青蒼拾提歲久荒秋高樓俊集夜深月影長寂寂星搖蕩飛霞入  
棟梁守僧都去盡螢火作燈光鬼思禪度遺經風日張獨有來巢燕呢  
喃似宣揚停驂傷古意雲台草頭黃聞說當年盛鐘魚散上方

大祀

晨駕旌旄列隊行龍旗遙映鳳城明護霜雲外天顏碧龍水燿邊山色青  
新歲野郊春氣鳴今朝村市曉晴生鞠躬稽首參天處四海謳歌賀太平

鐘山雲

踞踏千古壑豪英王氣惹葱五色精巖虎鎮山風似草潭龍噴氣水明星

天開萬載興王處地闢千秋永朕京成以六朝亭竹園前積後後嘉積

論臨蒸縣官

臨蒸邑治絕殊方巖業重山碧翠行溪曲羊腸嵐雜露樹蟠龍微雨飛湯  
墨雲隙處天浴水蒼海空中日曜陽好把寸心問民疫當選離瘴任滿湘

聞人嶺南郊行

極目山雲雜曉煙女蘿遙設嶺松邊陸行盡服嵐霞氣水宿頻吞虬蜃涎  
長仰際峯觀擁日暮看臨海泊來船信知百越風塵異黑髮人居不待年

詠兩越

邊邑深隍嵌熱峯土民食粟扣時存雲山溪水常杓合煙樹藤蘿每自去  
嶺外瘴溫鳴蟋蟀海濱鬱熱顯鱷鱗常思不律皆由此數月朱顏別舊容

竹絲青樂釣

曠浦澄天濕曉煙智人樂釣穩沙前簑輕雨霽雲收谷釣鄰綸櫓水映船  
果棹欲歸江片上掛帆已近暮霞邊汀蘆處處飛螢火照徹漁村飲不眠

牧羊兒土鼓

羣羊朝牧過山坡松下常吟樂道歌土鼓抱時山鬼聽石泉濯處澗鷗和

金華誰識仙機密，幽谷何知道術多。歲久市中終得信，叱羊洞口白云過。

橫秋風吹笛

西風落木脫黃花，牛背村童笛正吹。曾識倚樓人聽處，每聞吹月鶴昇遐。  
蒼江一色渾秋意，紅葉初光襯晚華。冷露下天星斗潤煙波，靜到是誰家。

滄浪翁泛海

海天漫漫際無窮，巨艦倚高扶兩舵。他已知風力勁舵寬，方覺水情雄。  
鱖魚背上翻股浪，蛟魚背頭觸見虹。何日定將歸泊處，也應繫纜水晶宮。

題神樂道

仙翁調鶴欲扶穹，萬里風頭浩氣雄。劍背搖空廓外升，光橫寫字雲中。  
飛符到處雷神集，役劍長驅獨鬼窮。見說黃芽心地轉，更於何處覓仙宗。

雲衲野人

山人修道幾經年，閒說齊松足意便。時以斷雲完故衲，日將流水灌新田。  
常勤煨鶴巖崖下，夜靜傾猿棹壑邊。欲訪木知何處住，料應雲峯已成仙。

鍊子煉丹

翠微高處鍊青煙，知子機藏石殿堅。丹鼎節砂動火候，溪雲散谷做松年。

渾龍甲也深淵底崖虎風生迴河邊徑已苦愛入木槿昂管足斷斗牛天

東風

我愛東風從東來花心與我一般開花成子結因花盛春滿乾坤始鳳臺

新雨水

片雲風駕雨飛來頃刻徒看過九垓極外近聆新水聲遙寄一鳥見天開

雨墜應落花

徐璞韻

人道春歸實不歸但知結實藥枝稀昨朝一夜如膏雨正是花成子就時

又唐文韻

時近清和氣愈濃雨催花實喜晴風籬邊燕燕如幾大盡是青青間綠紅

又唐宋韻

清和未至尚春風花尊園林似錦紅細雨只教成子速藥飛彩蝶最多功

雪詩卷曹文壽韻

翩翩飛舞布田垓似絮還疑玉藥梅一夜撲窗春蝶戲好風吹去又推來

又唐張豐韻

胤前三日曠無非旋是元公降六花九曲河深澗底凍張窩無處再乘槎

遊鍾山

鍾山陽谷梵王家帝釋靈前優鉢花遊戲但聞師子吼北丘身以錦袈裟

思老試壯

因過離鞍見馬肥迎風振鬣試霜蹄試將舊日弓彎存箭入弦來月樣齊

建文惠宗讓皇帝

帝遜位後入蜀往來滇黔間嘗賦詩一章士庶至今傳誦或云正統中坐

雲南布政司堂上袖出此詩也鄭曉遜國記又載二詩云 帝後至貴州

金竺長官司羅永府題二詩于壁間萬曆初 神宗御講筵問 建文君

出亡故事輔臣張居正恭錄三詩進呈 神宗命宦侍史館曉記又云

帝幼穎敏能詩 太祖命賦新月應聲云誰將玉指甲抓破碧天痕彭落

江湖上蛟龍不敢吞 太祖悽然久之曰必免于難按葉子奇草木子餘

錄載皇太子新月詩云 所謂皇太子者庚申君之子也野史以爲 懿

文太子作爲不及享國之讖而曉則以爲建文作致揚維損事維子詩集

此詩爲雜損作則諸書皆傳會也曉又載 帝金陵詩云禮樂再興龍虎

地衣冠重整鳳凰城亦見維損集中今並削之

遜國後賦詩

平落西南四十秋，蕭蕭華髮已盈頭。乾坤有恨家何在，江漢無情水自流。  
長樂宮中雲氣散，朝元閣上雨聲愁。新蒲細柳年年綠，野老吞聲哭未休。

金焦長官司羅永庵題壁

風塵一夕忽南侵，天命潛移四海心。鳳返丹山紅日遠，龍歸滄海碧雲深。  
紫微有象星還拱，玉漏無聲水自沈。遙想禁城今夜月，六宮猶望翠華臨。  
關龍撈殿紫幘笑，看黃屋寄墨標。南來燈樹千楊迴，北望天門萬里遙。  
賦臣久忘飛鳳筆，裝裝新換竇龍袍。百官此日知何處，惟有羣鳥早晚朝。

左宗文皇帝

上靖難寧庭神武不烈，戎馬之餘鋪張文治。敕修經書大全及永樂大典，  
昭代文章度越唐宋。御製集藏并天府不傳人間恭錄。御賜榮公  
二詩以見神龍之片甲云。

賜太子少師姚廣孝七十壽詩二首

詩介逃虛子，昔年尚未央。功名跡輔弼，聲譽藉文章。書靜槐陰合，杖清桂  
子香。固恩期必報，化日正舒長。

玉露滋芳席奉祀昭皇帝斯文逢盛世學古振儒風未可還山隱當作報國忠百齡有餘慶寫此詩仙翁

御書川茶粉金龍雙使題云八月十三日旁有為善最樂圖書少師摛  
至帝熟入餘慶書院謁文靖公祠其守僧淨心少同衣鉢謂之曰御  
詩有餘慶二字留此永鎮山門今在院中

仁宗昭皇帝

仁宗在東宮又聖學最為淵博酷好宋歐陽修之文乙使緡閣每至達旦  
楊士奇歐之鄉人熟於歐文帝以此深契之嘗命侍善徐善述改竄其  
詩故書朋謝又云今日說與好古將選詩內取易入手解意的詩分類賦  
比與爾為選擇王越真明日早進來看其虛懷好學如此御製集上下  
二卷并直項綴錄載上觀象鼓與曾繁屏和詩御製集及繁集並不  
載故削之

上元觀燈山詩

盛時調玉燭佳節翠華燈象緯當黃道越峰擁帝京金蓮春放早  
同明聖詠天長久讚歌樂太平  
同明聖詠天長久讚歌樂太平

池亭納涼

夏日多炎熱臨池慰午涼  
雨滋槐葉翠風過藕花香  
舞燕來青瑣流鶯出  
建章援琴彈雅操民物樂時康

早朝

淡月低鳩鵲祥雲遽建章  
金門森羽衛寶篆滿香  
日上東方曙風輕曉  
殿涼千官朝退後訪接賢良

江樓秋望

遠碧接天涯登臨共自佳  
朔洲晴亦雪楓岸落霞  
雁過前浦浮鷗傍  
淺沙竹籬高樓網茅屋是漁家

秋風

玉律轉清商金飈送晚涼  
輕飄梧葉墜暗度桂花香  
月下生林簫天邊展  
雁行吹噓禾黍熟萬頃似雲黃

桃園春曉

曙光猶未分芳園露華炫  
喜桃千萬樹鮮妍如錦綉  
隔林鶯語滑雨雨間  
關轉掖垣將啟扉  
滿前傳聲遠花底候宮車  
更覺東風軟

陽春曲

迴迴麗日照春空  
陣陣芳塵花信風  
依依弱柳含嬌翠  
爛爛天桃埋淺紅  
昔鶯飛上花間語  
似勸遊人邀酒侶  
醉燒銀燭作夜遊  
蟬息桃花落紅雨  
冬至日賜右春坊贊善梁濟

侍從有嘉士  
朝端斯得人  
夙昔自卿至  
接見情益親  
且夕資論納  
堂獨詞  
華新仲冬風日暖  
和氣如陽春  
湛湛樽中酒  
慨然對良辰

蝶戀花 題九月海棠

烟抹霜林秋欲困  
吹破臙脂便覺西風潤  
翠袖怯寒愁一寸  
誰家庭院黃昏信  
明月修容生速恨  
旋摘餘嬌轉滿佳人鬢  
醉倚小閣花影近  
不應先有春風分

○宣宗章皇帝

帝天縱神敏孫志經  
史長篇短歌投筆立就  
每試進士輒自撰程文  
曰我不常會元及坊耶  
萬機之暇游談翰墨點  
漆寫生遂與宜和爭勝  
而運際雍熙治隆文景  
君臣同游嬉歌繼作則  
尤千古帝王所希遊也  
於平盛哉

祖德詩九章

上天信崇高臨下明以赫元季政昏亂帝用厥衷彼咎求今德宗視乃善  
慶債沛然啟其祥疆宇俾開闢

恭惟我 仁祖躬備大聖德天性稟純粹溫恭而允塞篤志在仁義兼亦  
肯採綺寶玉之所城山川被光澤

維時均遇屯欽詔之自適進退與道俱玉德懷貞白皇天鑒昭晰寶命所  
歸錫篤生 太祖聖配天立人極

海內如鼎沸土壤分割折蒼生靡怙恃伏孽毒蠱仗劍起濛梁奉天城  
焚溺再駕定東南一駐下西北

曠哉六合內腥穢悉盪滌三光復宣明五典重修竹垆齊竟舜功近過屬  
武績遂令普天下休養樂生息

太宗削奸回維統奠宗祏聖文旣炳煥神武尤赫奕賢才盡任用秉德各  
修職庶邦承覆載百獻來九譯

昭考撫盈成至仁弘隱惻民安視如傷恭已臨萬國繼志與述事夙夜懷  
兢惕皇風益清穆皇道彌正直

正本所自隆 仁祖實啟迪祥源深且廣天派肆洋溢 聖神紹傳序茂

世曆造商本玄王與周美后親

茲于嗣鴻業時幾謹申飭 四聖赫在天悠久貽法式保佑順深容負荷  
媿餘力捐首陳咏歌庶用示無斁

招隱歌

宣德六年較曰朕惟賢者致治之具肆卽位以來屢詔有司舉德行才智之士將與共圖治道然林泉巖谷必有遠引而不輕出者朕夙夜念之不能已也夫枉己求售非志士之本心潔身獨善豈聖賢之中道故嘗作招隱之歌使幽遠之賢皆知朕志朕幾幡然有奮起者卿等爲國重臣特示觀之舉賢爲國人臣之忠其必有以勉勵斯意勿徒視爲空言可也  
吾觀天地化育功四序五行實任之軒轅堯舜致熙皞亦有六相兼臯  
君臣共濟自往古大厦豈是一木爲況于涼薄資九五承大寶四海之廣  
兆姓繁側席仁賢異王道長林大澤高丘巨壑豈無懷才抱德者蕭散幽  
閒樂其素扣舷清歌弄綠水結巢雲松招白鶴雲松蒼蒼白鶴飛翠蘿搖  
曳春風時朝鏡黃偏夕茹紫芝放歌考槃什吟詠梁甫詞如玉在瓊巖其  
輝天之生才將有爲屢下求賢詔明珠罕無遺中夜有懷起待旦勞心空

冰忘日宴曉，困賢人何樂。空谷有莘，嶮然起。獻祇傳巖，何嘗終版築。幡  
白首，履鷹揚。臥龍亦復興，南陽早歲人。聞望霖雨大，川利涉雷舟。航嗟爾  
賢人無為，徘徊石泉。塵鹿非爾伍，風雨天路為爾開。脫却芟荷衣，挂在青  
湖隈。翩翩命駕，新輪來黃金如山。築高臺，待爾為味，臺與萊無為。令我悵  
望思難哉。

喜雪歌

宣德六年十二月辛巳，敕曰：臘後五日之夜，大雪。迨旦而霽，蓋豐年之祥  
也。因作喜雪之歌，與羣臣同樂之。已命光祿賜宴，其悉醉而歸。

一冬晴明人不厭，臘月雪飛尤所喜。從古農占重三白，來年有秋預可擬。  
昨夜長風廣莫來，號空捲地初停雷。斯須漫漫撒玉屑，千樹萬樹梅花開。  
大地平鋪皆一色，光輝未數瓊瑤白。四山蒼翠不可尋，但見凌空銀壁  
憑高四顧真奇觀。日上扶桑朝不寒，昔人勞農享臘惟此時。更說來年豐  
有期，村村腰鼓聚宴飲。庶幾時平今見之，嗟予菲德臨九五。變理功能寄  
承輔，取鵬相樂。拜天庥永念。皇天與皇祖。

御製山水圖歌賜長春真人劉淵然歸南京有序

長春真人劉淵俗事

太祖皇帝 太宗皇帝 仁宗皇帝 以至於朕 凡歷四朝 闡玄元之妙

感通之功 擁恭秉誠 老而逾篤 今已老年 志存閒佚 歸南京 朕重其去

也因取孔子仁智壽樂之旨 援筆作山水圖 賜之 而題詩其端 以寓所以

聽厚於老成之意云

東華之東 湛明景彩 霞環純達 萊境瓊芝 瑤草春不窮 丹光夜動 黃金飛

淵然老仙 崆峒客 萬里歸來 此棲息 手持如意 青芝焚兩臉 潮紅頭雪白

頭上玉球冠 身中雲縉衣 朝朝飛神馭 烝超汗漫 直上太清朝 紫微腰間

騰龍雙寶劍 秋水光晶 寒激灑 嘯風呼霆 作霖雨 屢注仙瓢 蘇下土 功成

敏用歸希夷 玄天至道 本無爲 眼看民患 忍坐視 恤人亦體天 之慈且來

謝別 何匆匆 騎鶴還度江之東 江東龍盤虎踞 五雲表 鍾山翠接三茅峯

茅家兄弟青冥上 白日驂鶴定相訪 還來赤松子 亦有安期生 上朝南極

壽昌星 好山好水清且明 西方出金桃 南斗掛雲液 長生有曲舞 且歌年

過廣成子二百

宣德七年二月二十六日

倚蘭操

昔孔子自衛反魯隱居谷中見蘭之茂與衆艸爲伍自傷不逢時而託爲此操子虛在野之賢有未出者故擬作焉

幽生幽谷兮曠曠其芳賢人在野兮其道則光嗟蘭之茂兮衆艸爲伍於乎賢人兮汝其子輔

宣德七年正月二十日

草書歌

狀幾務之餘游心裁精及徇視古人論學有契於懷嘗試草書歌以寓意焉以兩日侍之勞書以賜之

草書所自何所授初變楷法爲章奏當時作者最得名崔瑗杜度張伯英三人真跡已罕見後來繼之有羲獻筆端變化妙入神逸態雄姿有勁健風驚雷擊浮雲飛蛟龍奔躍猛虎馳漢晉草法千載師張顛臧真亦絕句一代精孰才數輩遺墨千八萬人愛同知頗挫出腕力亦用飛動生神采古來篆籀今已爲何况隸草爲愈多吾書豈必論工緻誠願有言當獻識

宣德七年二月十五日 御武英殿書賜程南宗

綠竹引賜都督孫忠

薊門八月霜華濃何時種竹能成叢鳳城之陽禁苑東琅玕萬斛凌青空  
光搖太液波心月高出三山頂上松祥鳳拂拂來天上鳴金慶玉聲吟嘯  
蓬萊宮中日如年高柯密葉弄雲烟春陽挺秀百花表秋月增輝仙桂時  
九夏繁陰覆靈圃祥麟瑞鶴相周旋六花凝寒翠卉老清標鶴覺生光輝  
軒皇昔日初製律裁筒來自昆崙谷江心礪石桃竹枝韻根削皮凌紫玉  
何如蓬萊宮中竹雨露偏多生意足盤根固節千鶴年達勝倚倚淇水淇  
上林花木照青春靈芝瑞艸爭芳芬愛此蒼蒼太古色竹恩幾度停遊鱗  
世云鳳凰食竹實又云鳳凰棲竹枝鳳笙九奏太平曲鳳兮鳳兮人來儀  
予將拭目而觀之

宣德四年二月二十二日 御武英殿書

太液池送黃淮辭政

天香早折仙桂枝簞花五彩開鳳池蓬萊之仙直奎壁近侍九重天咫尺  
永樂聖人臨御初物躬櫛首陳嘉謨仁宗臨國文華殿左右謀猷共結彥  
朕承大寶君萬方相與共理資賢良傾心寫情任舊老而卿引疾先還鄉

五歷星霜復相見，霜翰蕭蕭秋滿面。是時朝旭光升紫殿，明相對清言。良  
慰情留之累月，未盡意歸心。又欲東南征，太液清泠涌。漢楊柳芙蓉相  
映好，鳧鷖鴻鵠弄清波。紫霧紅雲拂瓊島，芳叢在俎酒在壺。工歌鹿鳴續  
白駒，君臣大義士所重心。雖庭闕身江湖，雁鷺舉高高不極。中有謝公舊  
遊跡，采芝劖岑可長年。應在天南憶天北。

客雪歌賜兵部尚書張本

入氣肅肅當嚴冬，大地凜冽號朔風。扶桑曜雪綽躡躡，屏翳一色浮鴻濛。  
則須素景掃大空，雪花慘澹何茸丰。六出巧自造化工，覆瓿放繯遠近同。  
綴瓊貼瑤綠，墻堵輕盈宛轉穿。簾櫳千門萬戶光玲瓏，積平坎窞增丘封。  
涼合溝澗流，隼通林沼幻出銀芙蓉。遂令松篁失青蔥，翰飛蠕動寂斂蹤。  
萬幾之暇坐九重，豈不自足鮮與醲。一念所重存懷惻，荷戈披甲防虜戎。  
況復懷此爲冲冲，維時預兆年歲豐。滋潤麩麥泮，蠶桑騰歌溢喜獻。畝農

書魏時示戶部尚書夏原吉

關中歲屢歉，民食無所資。郡縣既上言，能不軫恤之。周禮十二政，散貨首  
所宜。給帛遣使者，發粟飭有司。臨軒戒將命，適往毋遲命。下苟或後施，

次公所則吾聞有道世民免寒與饑循已不違寧因情書魏辭

賜許都巡撫河南詩

河南百州縣七郡所分治前歲農事缺旱澇始復繼衣食既無資民生易  
難遠賴子位民上日夕懷憂愧兩有敦厚資其性勤撫字徙者必輯綏饑  
者必賑濟咨詢必周歷毋憚躬勞勸虛文徒瑣碎所至皆實惠勉旃暨乃  
誠取用副予意

捕蝗詩示尚書郭敦

蝗蟲雖微物爲患良不細其生實蕃滋殄滅端匪易方秋禾黍成茫茫各  
生慮所忻曠將登奄忽蝗已至害苗及根節而况葉與穗傷哉隴畝植民  
命之所係一旦盡於斯何以卒年歲上帝仁下民誰非人所致修省弗敢  
怠民患可坐視去螟古有詩捕蝗亦有使除患與養患昔人論已備拯民  
於水火勗哉勿玩愒

惻農詩示吏部尚書郭進

世古因所重八政之末源辛苦事耕作憂勞百歲作豐年僅能給歡歲安  
可論既無穰穰肥安得繼繁溫恭惟祖宗法周悉今具存遐邇同一視履

百如乾坤霄間古術吏卓有父母恩惟當慎所擇庶用安黎元

減租詩

官租頗繁重在昔絲有因而此服田者本皆貧下民耕作既勞動輸納亦苦辛遂令衣食微易以贖其身殷念惻予懷故迹安得循下詔減十三行之四方均先王親萬姓有若父子親茲惟重邦本豈曰矜斯人

憫旱詩

光陽久不雨夏景將及終木稼紛欲稿望霓切三農祠神既無益老壯孀  
惻惻憫窮不得穀何以至歲時予為兆民主所憂與民同仰首瞻紫微頌  
天攝精忠天德在發育豈忍民瘼痼施霖貴及早其必昭感通翹跂望有  
介異以蘇疲瘵

宣德四年

御製偶成詩

賜太監王瑾



瀟湘八景畫

瀟湘夜雨

濃雲如墨黯江樹九疑山迷天色暮蒼松巖下客維舟魚龍鼓舞飛烟霧  
但見長空風雨來勢與雲夢相周迴三湘淋漓瀉銀竹七澤洶湧翻春雷  
長江橫絕巴陵北一水悠悠漾空碧洪濤巨漲頃刻中虹橋隱隱無人迹  
前溪遙見野人家槿籬茅屋半欹斜高樓誰得江湖趣坐聽瀟瀟對燭花  
隔浦鍾聲來遠寺曉色蒼涼喜開霽青天萬里白雲收滿目湘山翠欲流

洞庭秋月

洞庭秋水清徹底岳陽城頭月初起巴山落影半湖陰金波倒浸芙蓉翠  
須臾素景當瑤空寒光下燭馮夷宮雲夢微茫水鑑裏沅湘浩蕩玉壺中  
霜華初飛風浪息萬籟無聲夜方寂彷彿湘靈汗漫遊虹橋直跨天南北  
但見鷗汀與鷺洲折葦寒莎帶淺流縞衣綸巾湘中老高歌取醉岳陽樓  
回看月下西山去湖水悠悠自東注洞庭咫尺西南阪赤岸銀河萬里秋

山市晴嵐

茅屋幾家山下住長橋遙接山前路湖天雨過曉色開滿市晴嵐帶烟樹

遠山近山杳靄間前村後村相彌漫浮藍積翠久不散懸崖滴露松稍寒  
湘市老人頭半白琴僕從容隨杖鳥林外青帘賣酒家山嶺野歎漁樵客  
洞庭春來湖水生君山到處花冥冥波光澄涵橫素練樹色掩映開銀屏  
撫景徘徊看未足颯颯天風滿林麓何人獨倚岳陽樓長笛數聲山水綠  
平沙落雁

秋江水落波痕淺平沙渺渺連天遠白蘋紅蓼滿瀟湘枯葦黃蘆迷漢沔  
鴻雁恒憐澤國秋數聲忽報楚天秋萬里避寒違朔漠幾行帶雪下汀洲  
雲水微茫少增綴歲歲南來歡有託霜田豈乏稻梁謀江村自得棲遲樂  
黃鶴樓前鐵笛鳴時驚嘹唳兩三聲湖通巴蜀寒烟淨天接荆衡暮景澄  
嗟爾迢迢自荒服慕戀中華生計足行當懋德覆羣生盡使洪纖皆發育  
五六兩聯連押二秋字因出 聖製未敢輕議

遠浦歸帆

斜陽欲掛晴川樹丹霞遠映瀟湘浦洞庭湖上接星沙萬里歸舟自何處  
雲帆縹緲天際來勢壓滔天雲浪摧須臾已達漢江曲江聲洶湧如鳴雷  
漢陽城頭夜吹角暫從鸚鵡洲邊泊長笛一聲山月低殘燈數點江雲薄

西蜀滇南與海通浮波來往自無窮暮天已捲三湘霧曉日還懸七澤風  
突兀危樓瞰江水臨眺何人頽徙倚寒雅飛盡淡烟收浩蕩瑤空淨如洗

漁村夕照

岳陽城頭望湘浦芳艸垂楊迷古渡晴嵐霏白夕陽紅渺渺江村天欲暮  
漁家茅屋住汀洲罷釣歸來穩繫舟自念生涯在網罟臨風高掛向船頭  
出水鮮鱗雜紫蟹鱸頭有酒遠堪買東隣西舍當此時歡笑聲餘歌款乃  
豚魚吹浪白連天隔江賈客促歸船餘光遠映雙鳧外殘影半落孤鴻邊  
湖上高樓雲外起下瞰湖湘千百里憑高一望楚天低雲樹蒼蒼暮山紫

烟寺晚鍾

烟光漠漠春山紫古寺深藏萬松裏夕陽西墜羣壑陰隔林藹藹疎鐘起  
瀟湘無風波浪停恍如水底鳴長鯨山僧策杖歸來晚遙聽穿雲百八聲  
緩急因風如斷續迷徹山阿并水曲已隨暮角響江城更送樵歌出林麓  
乘橋二客心悠然偶立遙看瀑布泉高山流水有深意咫尺不聞音韻傳  
乾坤無塵萬籟靜朗然空谷聲相應高秋正遇曉霜清分明若向豐山聽

江天暮雪

大江東去天連水薄暮蕭蕭朔風起須臾吹却凍雲同六花亂撒滄波裏  
橋南橋北樹槎牙隔浦紛紛集晚鴉馬嘶百折蟠雲路犬吠孤村賣酒家  
俯仰山川同一色眼前不辨浪花白茫茫七澤與三湘分明皓彩遙相射  
漁翁獨酌寒江濱頃刻瓊瑤飛滿身得魚醉唱湖南曲欸乃一聲天地春  
有時倚棹弄長笛洞庭景物清無敵中流迢遞望君山但見遙空聳銀壁

瑞香花詩有引

瑞香花有數種或紅或白或紫春早盛開芬馥可愛蓋唐宋人多有賦詠  
之者予亦見諸短篇云

瑞香花葉如織其葉非一狀花開亦殊色或如瑪瑙之殷紅或如玉雪之  
姿容或含淺絳或深紫細裂疊萼芬玲瓏臘後春前花未放先春獨占梅  
花上繞枝芳意露氍毹萬卉千葩總相讓曠曠旭日照堦堦輝淡蕩香風拂  
面時初疑沉檀麝寶鼎亦似蘭麝熏人衣瑞香花樹高三尺強山杏野杏  
動踰丈得以幽叢約馥香

宣德六年十月二十四日

水亭偶成

臨流亭館淨無塵，落澗流泉處處聞。  
半濕半乾花上露，飛來飛去嶺頭雲。  
翠迷洞口松千箇，白占林梢鶴一羣。  
此地清幽人不到，惟留風月與平分。

樂靜詩

暮色動前軒，重城欲閉門。  
殘霞收赤氣，新月破黃昏。  
已覺乾坤靜，都無市井喧。  
陰陽有恒理，斯與達人論。

四景

水影虛涵一鏡中，晴光搖蕩暖雲紅。  
小桃花重初經雨，弱柳絲柔屢舞風。  
暑雨初過爽氣清，玉波蕩漾畫橋平。  
穿簾小燕雙雙好，泛水閒鷗箇箇輕。  
新秋涼露濕荷叢，不斷清香逐曉風。  
滿目穠華春意在，晚霞澄錦照芙蓉。  
池頭六出花飛徧，池水無波凍欲平。  
一望玻璃三百頃，好山西北玉爲屏。

幸史館

天命余躬撫萬方，丹心切切慕虞唐。  
退朝史館咨詢處，回視文星爛有光。

過史館

蕩蕩堯光四表巍，巍巍舜德重華。  
祖考萬年垂統，乾坤六合爲家。

上林春色

山際雲開曉色林間鳥弄春音物意皆含春意天心允合吾心

詠撒扇 見梅純獨齋日記

湘浦烟霞交翠剡溪花雨生香掃却人間炎暑招回天上清涼

○孝宗敬皇帝

孝宗皇帝本朝之周成王漢孝文也聖學緝熙光明純粹學士張元禎進講性理索太極圖觀之曰天生斯人以開朕也靜中吟一絕見於李東陽龍堂集粹然二帝三皇典謨訓誥不當以詩章求之也

靜中吟

習靜調元養此身此身無恙卽天真周家八百延光祚社稷安危在得人先臣李東陽贊曰於赫先帝有靈在天明爲日月散爲雲烟發爲文章星宿森布二十八字應宿之數造化之動以靜爲體萬物育焉天地參矣其機在我致用則人謂元代工有君有臣大哉王言象理兼有惟德與功爲三不朽在天地間並久俱長萬世哀慕何日而忘

○武宗毅皇帝

正德十五年 上自稱威武大將軍南巡至鎮江幸大學士楊一清私第

御製詩十二首以賜一清命一清卽席恭和歡宴霑醉夜闌而罷相傳  
上將臨大學士蘄貴喪命詞臣撰祭文皆不稱旨乃御製一首云朕居  
東宮先生爲傅朕登大寶先生爲輔朕今南遊先生已矣嗚呼哀哉代言  
之臣老於文學者皆歎息斂手野史載上幸宣府製小詞有野花偏有  
色村酒醉人多葢天縱聖神言語文字之妙信不關學問也

賜大學士楊一清詩

致仕還鄉

時光疾箭催人老先後恩榮世間少雖然私第保餘年每日心懸侍天表  
鑾輿幸第

車駕親臨茂社堂璽書高掛耀龍章昇平宴罷明良會盛事流傳萬載香  
欄門勸酒

歡飲醺醺出相門勞卿再四勸金尊南征已定旋師旅去暴除殘第一人  
上馬留題

正德英名已播傳南征北勦敢當先平生威武安天下永鎮江山萬萬年  
大明正德龍集庚辰後八月二十日

錦堂老人書於大學士楊一清私第

車駕駐潤州幸少傅楊公私第驩燕累日恭述六首

鎮江府同知嚴時泰

先朝宰輔寓京師 翠輦臨門或有之 獨是速臨家食地無人

得似荷恩私

夜深蓮炬半燒過 模寫神功入詠歌 直繼詩人常武什 下看韓

愈頌元和

柳宿垂光應不虛 百花深處設仙厨 不愁調膳無滋味 舊日鹽

梅尚有餘

芳園一日駐龍旂 從此清芬勝舊時 想是御香零落在花神收

拾上花枝

纔宣索句便相催 頃刻吟成燭未灰 寫進御前蒙鑒賞親聞

天語歡奇才

夜深花露滴高枝 還許殷勤進壽卮 聽得侍臣私共語 天顏

喜劇倍常時

又六首

國子生臣孫育

神武威南服龍舟駕巨濤  
厲兵宣略遠定亂禹功高  
日彩浮黃鉞雲光動赭袍  
老臣三稽首復恐聖躬勞

海宇承平日明良慶會時  
虹光連井鉞綠野遶叅旗  
荷寵星辰近承恩雨露私  
還聞天鑒邇政積在西陲

待隱留仙蹕名園異雒陽  
禮遵周制度賦奏漢文章  
樹映螭頭曉花迎雉尾香  
忽聞鳴鳳吹又進萬年觴

三顧承恩溼回鑿此日過  
綺樓輝寶宇花浦接銀河  
樂奏鳴球叶歌傳在藻多  
唐虞今復見盛德迴難磨

南陽延帝幄莘野訪臣廬  
雨驟千軍騎雲屯七聖車  
瓊筵張趙瑟華燭轉燕裾  
史館行宣付勳庸合屢書

萬舞臨周宴清歡一夕同  
聖情春浩蕩天翰日昭融  
曩曩金殿度厭厭玉漏中  
載歌賡既醉花外已鳴鍾

○興獻王睿宗獻皇帝

成化二十三年王甫髻亂受封出閣學於西館銳志經史有含春堂集分

藩之國有恩紀詩集嘉靖五年命司禮監重刊

楊柳

金絲縷縷是誰搓  
時見流鶯爲擲梭  
春暮絮飛清影薄  
夏初蟬噪綠陰多  
依依弱態愁青女  
曼曼柔情戀碧波  
惆悵路岐行客衆  
長條折盡欲如何

○世宗肅皇帝

上生五齡穎敏絕人  
獻皇帝口授輒成誦萬機之暇喜爲詩文大學士  
楊一清進是元宵詩有看冰輪清似鏡之句  
上以爲類中秋詩改云愛  
看金蓮明似月  
一清疏謝以爲曲盡情景不問可知爲元宵作矣嘗與閣  
臣費宏等賡唱張桂忌而阻之以爲離蟲小技不足勞聖慮然是時館閣  
太巨皆乏黼黻之才不能有光聖學誠可歎也

饗

太廟禮成賜張元輔

戊子新正吉春享祖廟親祀事忻已成肅駕迴宮宸登輦偶一顧輿南一  
輔臣貌奇真才傑形端氣志伸外焉秉貞一內則抱忠純誠正輔吾躬清  
白飭乃身子喜荷天眷賚賢作邦祖庶幾畢夔輩望以康斯民

秋日卽事詩三章送元輔張羅山恭錄一章

拂暑金風動袞裳滿天商吹動新涼農家萬寶收成後十里遙聞禾黍香

○神宗顯皇帝

上天藻飛翔留心翰墨每搗大令鴨頭九帖虞世南臨樂毅論米芾文賦  
以自隨勸學詩一章 御書賜太監孫隆刻石吳中者也 帝奉兩宮純  
孝內府藏顏魯公書孝經得之如拱璧命江陵相裝演題識珠囊緜几未  
嘗一日去左右喪亂之後朝士以百錢買得之魯公法書精楷儼如麻姑  
仙壇每章有吳道子畫精彩映發手若未觸天球琬琰零落人間躬閱之  
餘不自知清淚之沾漬也

勸學詩

斗大黃金印天高白玉堂不因書萬卷那得近君王

列朝詩集

乾集之上終

列朝詩集

乾集之下

睿製

蜀獻王 六首

漢王高煦 一十首

秦簡王 一十首

肅靖王 七首

潘憲王 四首

潘宣王 四首

安慶王 一首

保定王 一首

益莊王 一首

蜀獻王

王諱椿 高皇帝第十一子孝友慈祥博綜典籍容止都麗雅尚儒素嘗

寧獻王

二首宮詞七十首附見黃省曾洪武宮詞二十二首

周憲王

誠齋錄四十六首元宮詞一百首附見五首

蜀成王

三十一首

潘安王

三首

德平榮

順王 二首

鍾康王

一首

潘定王

一十五首

趙康王

四首

奉命閱兵中都卽關西堂延攬名士李叔荆蘇伯衡等商榷玄史高皇  
帝呼爲蜀秀才之國初卽聘漢中教授方孝孺爲世子傳待以賓師之禮  
名其讀書之齋曰正學方正學之稱自此始永樂二十一年薨謚曰憲詩  
文名獻園集

送希直先生還漢中詩

嶺山峨峨江水泱泱我疆我理俾民以康靡言匪衣靡善匪得閔士孔多  
我敬希直謙以自牧卑以自持雍容儒雅鸞鳳之儀有學有識乃作乃述  
追之琢之金玉之質待我經筵不倦以勤非德不言非道不陳職思其歸  
義不可奪采采者芹侑教如渴爰秣其馬爰振其衣拜手稽首載辭而歸  
昔之來也春日遲遲今之歸也涼風淒淒悠悠我心念子良苦爰命辭臣  
飲饌江滸王道如砥旣歌且詠八月初吉抵于南鄭沔彼江漢亦合而流  
瞻彼岷峨對其相繆心之知矣臨別纒纒子如我思道豈云遠歲行在子  
文閣秋開較藝至公選子西來

賜方教授詩三首

伊昔開東閣相看眼獨青文章奏金石衿佩覩儀刑應世遊三輔焉能困

一經前星垂炳耀染翰侍彤庭

聞說眼空天下士只疑身是洛陽人少年有學談仁義高論無慚問鬼神  
九載之官看教育萬言請闕聽敷陳曳裾已在長沙日知己相逢此志信  
四十雖聞不動心平生富貴豈能淫屢蒙論薦來天祿自負文章入翰林  
養望也須添白髮觀光仍遣教青衿河間好古嗟予慕多士從遊愛子深

送胡志高赴漢中兼東方希直

胡子蜀中士受公知更深不憚三巴路欲成仁者心伊昔韓門士籍湜蒙  
賞音勛哉今胡子願無媿鄭林鄭公智林良黜

讀基命錄

武皇稱汲黯近古社稷臣卓乎天地間百世有餘芬宋公廊廟姿志慮殊  
精純由來慕前烈願學在斯人雖處江湖遠擬欲踐臣鄰苟非堯舜道肯  
向輔展陳嘗咲賈大傳前席對鬼神著述累萬言所言皆歸仁爲君觀此  
書四海屬經綸爲臣觀此書有術能致君聖賢友多聞我亦黍嘉賓持此  
以贈我讀之至夜分撫卷再三歎良可婉典墳

孝孺詩序云臣近述基命錄粗載三代帝王寬厚之政以寓忠愛之私

幸徹睿覽過蒙賜詩寵褒詞高旨遠復增慚荷謹依韻略陳情以謝萬  
一云

寧獻王

王諱權 高皇帝十六子生而神姿朗秀白皙美鬚丹始能言自稱大明  
奇士好學博古諸書無所不窺旁通釋老尤深于史洪武二十四年冊封  
之國大寧 文皇帝踐祚改封南昌恃靖難功頗驕恣多怨望不遜晚年  
深自緝晦所居宮庭無丹彩之飾覆殿瓦甃不請琉璃構精廡一區時花  
藝竹鼓琴著書其間晚節益慕冲舉自號懼仙建生墳緱嶺之上數往游  
焉江右俗故質樸儉于文藻士人不樂聲譽王弘獎風流增益標勝海寧  
相率以儒雅著名請爲世子師傳者七年告老而歸爲輯其詩文序而傳  
之凡羣書有秘本莫不刊布國中所著通鑑博論二卷漢唐秘史二卷史  
斷一卷文譜八卷詩譜一卷神隱附後神樞各二卷壽域神方四卷活人  
心二卷太古遺音二卷異域志一卷選齡洞天志二卷運化玄樞琴阮啓  
蒙各一卷乾坤生意神奇祕譜各三卷采芝吟四卷其他注纂數十種經  
子九流星曆醫卜黃冶諸術皆具古今著述之富無逾王者又作家訓六

寫寧國儀範七十四章

日餘

光浴咸池正皎然忽如投暮落虞淵青天俄有星千點白晝爭看月一弦  
蜀鳥亂啼疑入夜杞人狂走怨無天舉頭不見長安日世事分明在眼前  
史稱王怨望不遜以日蝕詩徵之信矣

龔雲詩

蒸入琴書潤粘束几榻寒小齋非嶺上弘景坐相看

臞仙每月令人往廬山之顛龔雲以歸結小屋曰雲齋障以簾幙每日  
放雲一囊四壁氤氳氣動如在崑洞昔陶弘景行山中聚雲裏內遇客  
趣放之爲贈臞仙風致不減弘景也余觀周憲王有送雪詩臞仙龔雲  
憲王送雪此宗藩中佳話可屬對也

宮詞一百七首錄七十首

胡人不能揚舫海人不能驟驥所處之地非也大槩宮詞之作出於帝  
王宮女之口吻務在親睹其事則叙事得其真矣予生長於深宮之中  
豈無以述乎雖不盡便娟之體其傳淥寫真之意間有所似可謂把鏡

自照不亦媼乎乃以百篇叙其事未知識者爲何如耶永樂戊子五月  
耀仙題

闔闔雲深鎖建章瞳矐旭日射神光紫宸肅肅開黃道萬歲聲聲拜玉皇  
樓閣崔嵬起碧霄微闈僊樂奏蕭韶天風吹落宮人耳知是彤庭正早朝  
纔開雉扇見宸鑾天樂催朝盡女官寶駕中天臨百辟五雲深處仰龍顏  
太平有象樂時雍刁斗聲閒罷夜烽從此宮中無事日南風惟奏五絃桐  
宵旰常存爲國心大庭決政每親臨退朝鎮日憑絳几御筆常書丹宸箴  
天鵝初報五更籌萬戶簾旌控玉鈎合殿報傳妃子過御香先到鳳墀頭  
銀潢斗轉掛疎櫺翡翠窗紗夜未扃三弄琴聲彈大雅一簾明月到中庭  
忽聞天外玉簫聲花下聽來獨自行三十六宮秋色不知何處月偏明  
永樂間上寵幸高麗賢妃權氏禮粹善吹簫宮中爭效之故麗仙宮詞  
有天外玉簫及美人猶自學吹簫之句王司綵宮詞亦云贏得君王留  
步聲玉簫嘹唳月明中皆紀實也

鈞天迭奏昆明池桃花春暖魚龍嬉殘蟻洗作胭脂水流出宮墻汚燕泥  
十二銀屏十二峯一峯一個繡芙蓉東風吹醒陽臺夢人在珠簾第幾重

宮花著雨漸應稀柳絮因風不肯飛恰似太真春睡重玉容嬌情不勝衣  
昨夜梅花漏蚤春和香和月弄精神休教玉笛三更奏驚起含章夢裡人  
暖日烘晴淑氣嘉春風先發上林花鶯朋燕友時相得似識東城帝子家  
聳天旭日敞金屏和氣氤氳滿禁闈寶殿畫長簾幙靜牡丹花下蝶交飛  
翡翠空閒雲母屏宮娥夜坐數流螢月華淡淡清無暑笑把瑤笙學鳳鳴  
太液池中翻翠荷小娃學唱採蓮歌畫船不駛垂楊下盡日隨風漾碧波  
一點芳心足未休兩般心事上肩頭楊花不逐風前舞偏趁游絲繫舊愁  
溶溶庭院梨花月風靜時聞笑語妍今夜婕妤猶帶酒靴韃蹴破柳閒烟  
寶纒蟬鬢金翅露下銅盤月影遙春思逼人眠未穩閒開甚處度清宵  
秋來處處搗衣聲小院梧桐月正明促織絮寒霜氣白隔牆誰弄紫鸞笙  
學畫娥眉弄晚粧嬌羞無語暗思量新來未識龍顏面偷揭珠簾看上皇  
鏡日無人獨掩門梨花月上又黃昏空餘孤枕不成寐撥碎琵琶彈淚痕  
曲闌開遍紫薇花曉日曠曠映彩霞幾處笙歌鳴別院不知聖御在誰家  
玉闌干外木犀開應是西風昨夜來宮女不知清露重折花偷插鳳凰釵  
海棠亭上月華明一夜東風酒半醒隔簾鸚鵡學人語恰似君王喚小名

屈指擡眉歎歲華，總將心事付琵琶。不堪彈到關心處，蝴蝶雙飛上鬢花。  
庭梧秋薄夜生寒，誰把筠篔別調彈。睡覺滿身花影亂，池塘風定月團圓。  
小院飛花春晝長，竹陰移午上琴牀。等閒不鼓求凰操，怕使六宮人斷腸。  
自蒙君寵到昭陽，衣袖猶聞寶串香。半倚朱門久凝睇，和愁和月待昏黃。  
深院日長瑤艸生，重門不見幸車行。落花爲怨東風急，一夜春歸到帝京。  
柳色偏承雨露恩，也將青眼暗窺人。可憐不解東風意，仍把柔條縮舊春。  
杏雨紛紛滿徑迷，穿簾燕補落花泥。銜將春色歸巢去，辜負鶯兒枝上啼。  
自入長安帝子家，一年一見紫薇花。花開花落年年事，不管愁人鬢又華。  
擁衾欹枕暗傷心，起坐窗前弄玉琴。曾使君王痛憐惜，曲中猶寫白頭吟。  
重重簾幙掩流蘇，花下相攜到玉壺。報道停斟半合醉，踉蹌起舞倩人扶。  
寒蟬泣露曳秋聲，楊柳枝頭淡月明。半掩籠門怕關上，今宵猶恐幸車行。  
池塘驟雨打新荷，點點如珠似淚多。縱把金鍼穿不得，幾回搔首奈愁何。  
夜半蘭房春守宮，龍膏香泚紫金筒。封緘一點春無已，幾度花開不減紅。  
素梅有意爲誰香，放出官牆作淡粧。昨夜夢魂清入骨，覺來斜月到板房。  
幽花竹下自芬芳，旋摘瓊葩帶露香。收拾風光妬春色，六宮從此學新粧。

庭樹團團作翠陰，夜涼清話坐更深。無端感起閒愁，憑到梅花月滿琴。  
鮫魚窗冷夜迢迢，海嶠雲飛月色遙。宮漏已沉參倒影，美人猶自學吹簫。  
嬾把金鍼繡鳳凰，睡窗絨縷暗留香。支頤半晌心如醉，倚遍闌干待晚粧。  
綵勝雙雙鬪鳳釵，薄羅金縷燕花牌。宮中先得陽和氣，知是春從天上來。  
重簾不捲下瓊鈎，戶戶迎風雪打頭。時有笑聲來別院，始知宮女笑藏闌。  
一夜瑤花滿禁階，曉來旭日映西齋。宮人團雪作獅子笑，把冰簪當玉釵。  
歌扇金書御製詩，桃花風軟鷓鴣枝。舞回體態嬌無力，絕勝當年喚雪兒。  
金碧團屏面面開，琴書盈几列平臺。晚涼偷把雙簫弄，為報鸞輿聖駕來。  
雕檐蟾魄度眾思，蛛網呈祥墜喜絲。知是昭陽有恩澤，落花昨夜結紅芝。  
寒蛩唧唧艸間鳴，喚出新秋無限情。霜露滿天紅葉老，有人愁聽搗衣聲。  
旋研花露試新粧，惹得遊蜂上下狂。羞把香紈撲蝴蝶，對入伴整薄羅裳。  
一白承恩入建章，為憐妾願侍君王。殿頭自此書名字，日日聯班近御牀。  
新選昭儀進御來，女官爭簇上平臺。宮中未識他名姓，都把花名作字猜。  
宮女新傳御製詞，人人爭唱鬪歌時。嬌嗔不識伊州譜，嫵把腔兒念作詩。  
小立東風半掩門，楊花撲面也親人。妾心已作霑泥絮，化作浮萍到水濱。

銀漢沈沈玉漏遲一鈎斜月上花枝恰似徐熙新扇面美人歡笑共題詩  
寂寂重門夜沈寥天風時送御香飄三十六宮秋月白美人花下教吹簫  
赴宴歸來酒正酣半喜又羞慚向人佯笑不成語推捲羅衫理玉簪  
掬面東風酒暈濃頻將羅扇掩羞容擡頭只恐君王見佯把金鍼花下縫  
效顰常鎖遠山愁蹙損東風翠黛羞笑貼鬟鈿雙玉燕一天秋思上眉頭  
誰剪吳江一幅綃巧裁宮樣縷金袍妖嬈偏稱腰肢小每尚龍暉侍早朝  
沈沈庭院夜如何坐看黃姑織女過月下偶然應識面聖聖知人世有嫦娥  
上苑尋芳挹翠華東風先到帝王家宮娥不識春歸去玉插庭前芍藥花  
近來嬌怯不勝衣瘦損春風玉一圍落盡海棠春又暮綠楊枝上燕于飛  
遠山凝翠疊青螺秋水芙蓉映碧波門外晚晴無限意梧桐葉落已無多  
金蓮步步響迴廊未到先聞寶串香知是六宮妃子至殿前嘹唳奏笙簧  
月奩金鏡綺窗寒雲母屏開五色鸞寶篆有香椒壁靜一簾紅雨杏花殘  
翠盤金縷絳紗籠銀燭熒煌照漢宮應制艸詞書細字燈花報喜吐殷紅  
禁城春色又將過歲月於人奈老何不向鏡中添白髮豔猶勝舊時多  
輦路飛花滿翠陰數年無復幸車臨獨有海棠枝上月幾番圓缺到如今

洪武宮詞十二首

覽黃省曾

君王新拱虎龍都萬戶千門天上圖不似六朝繁粉黛內宮聊選備承呼  
六院沉沉六觀傍西宮紫殿起中央夫人別與蘭閣貯盡飾金籠彩壁箱  
雞鳴天子下牀梯內直紅粧兩隊齊聞闔虎頭門大啟表皇猶帶紫官低  
金鋪玉戶月流輝寶座瑤堂映紫衣聖主親書居大善三更龍輦未言歸  
內花園裡動春遊四面參差五石頭玉砌琳階儲碧水龍霞吹向小亭留  
君王發起視千官金籠爭催具鳳餐紅粉珠盤排欲進三擎向手相看  
雲霧排比玉妃房戶戶俱鋪紫木牀聖后從來教內治不教雕鏤雜沉香  
擊教金井受天光小小銀瓶挂玉牀此是聖人新制度諸宮各院盡相當  
清萱到處碧鬟鬢興慶宮前色倍合借問皇家何種此太平天子要宜男  
九五飛龍寶殿高朝回常倚赭黃袍星祥一過天王目午夜披衣不厭勞  
長春門裡清明日上苑蘭風花鳥繁焚却紙錢啼泣罷文隨龍輦向西園  
金鋪日月門將啟諸院爭先畫翠蛾高髻紗籠向何處龍牀上看皇哥

漢王高煦

高煦 太宗第二子倚恃靖難功傾動東朝 太宗幾為所惑宣德八年  
發兵反鎖繫逍遙城以銅釘鎔炭負之而死煦在藩邸製擬古感興詩二  
十八篇其臣僚鑠版行之盛稱其英資睿智雄才蓋世合二聖之規模成  
一代之製作蓋其奪嫡深謀頗見於此而史稱其日事游嬉不肯學問史  
家嚴辭溢惡或未可盡信也

擬古詩 六首 永樂五年

三五肇人極聖道何巍巍夏殷逮成周文風漸弘開呂政絕天紀殘苛恣  
雄猜萬姓坐塗炭六籍成寒灰自謂世無敵沙丘忽崩摧阿房樂未央長  
城空怨堆人文至今存狂秦安在哉千古驪山下穢德衍餘哀

武皇藉文景民殷倉粟陳不守清淨化開邊政多門四方屢遊幸萬里行  
三軍有子不自保哀哉真少恩外虛仁義名奈茲多欲身神仙在何處茂  
陵今幾春

自古寺人職司閤供灑掃秦漢始撓政國本亦枯槁唐初任猶輕高貴在  
天寶淪胥宣懿間神器由顛倒門生詆天子尊重壓元老社稷遂已墟羣  
閹那自保全忠不堪忿殲殞何草草嗟哉太宗業家奴壞王道後世宜鑒

之慮患防須早

道君蒞天位聰明邁前人紹述溺新法棄彼藝祖仁昏荒事花石艮岳排  
秋旻師相寵京貫任妄開燕雲藩籬旣已撤狼虎俄成羣吞噬至骨肉和  
議尚紛紜父子徙沙漠中原陷胡塵至今竊憤錄一覽猶傷神  
磊落元始祖英名出天然繼統一海內彬彬任才賢偃武重斯文生民皆  
息行從容頗中道暗合如有傳胡俗思改易華風未能全文統與桑哥相  
繼專威權茲誠損盛德誅殛斷弗憐貽謀計亦疎國運無百年  
順帝饒巧思良工弗能及奇后褻坤儀儲子驕相襲奸回屢登崇弊政滋  
郡邑群雄遂蜂起志士如龍螫脫脫力未展擴廓兵方集信讒忌成功九  
廟斯業岌不有昏政乖那婦皇祖急曆數在聖明萬代洪基立

感興二首

東風拆群植淡蕩吹芳辰鳥鳴穀已和得氣先于人况我聖明父奉天弘  
至仁遂令六合禋萬物皆生春朝迴坐齋閑怡然樂吾真詩章學古雅琴  
調多清新緬懷古哲王寶賢安國民子才雖未逮有志當期伸  
疎秀帶小雪皎皎當前楹暗香襲羅幙詩懷浩然清阿手寫新句異彼塵

俗情追詠古帝王得失相與評汗青究心跡丹鉛分重輕知我及罪我愧  
彼春秋名寒月照綺牕固爲我明整襟重自警凜冽如懷冰

懷仙歌賜周玄初

永樂四年九月十九日見周玄真鶴林類集

我懷蓬島之仙人駿駕朱鳳騎紫麟瑤池清宴接談笑誤落塵寰經幾春  
青童昨夜傳書至中有琅函洞章字洞口桃花侶舊時門外孤松發新翠  
槭書欲報碧雲遠碎葉女蘿若在眼方平倘會蔡經家爲報扶桑水清淺

洞天秋望賜周玄初

蓬萊宮闕涵清秋羽客臨風閒倚樓海天一碧湛杯水塵埃九野分中州  
雲裏仙歸鳴佩玉紫鳳琪園自棲宿遙瞻西極半林青知是瑤池桃未熟

周憲王

王諱有燉周定王之長子

高皇帝之孫也洪熙元年襲封景泰三年薨

在位二十八年謚曰憲王遭世隆平奉藩多暇勤學好古留心翰墨集古  
名蹟十卷手自臨摹勒石名東書堂集古法帖歷代重之製誠齋樂府傳  
奇若干種音律譜美流傳內府至今中原絃索多用之李夢陽汴中元宵  
絕句云中山孺子倚新妝趙女蕩姬摠擅塲齊唱憲王新樂府金梁橋外

月如霜。顯今日思之。東京夢華之感。可勝道哉。王詩有誠齋錄新錄諸集傳於世。如春日云深巷日斜。巢燕急小樓。風靜落花閒。春夜云彩檻露濃。垂柳濕珠簾。風靜落花。香秋夜云梧桐露滴。碧梧瓦楊柳風寒。翡翠堂牡丹亭書景云。鸞啼小院穿青柳。燕蹴飛花過粉牆。日暮云林鳩喚友。常知雨海燕將雛。不避人。雲林清趣云。采藥一僧雲外去。巢松雙鶴雨中還。送人云。南浦斷虹收。雨去西風新。鴈帶霜來漫興云。南國音書歸鴈盡。西園風雨落花愁。和王長史云。採得藥苗還竹徑。著殘棋子坐花陰。紅心驛云。枕上夢。因鶯語。滑窗前。風定柳陰涼。橫堤晚望云。神如秋水十分淨。心似中原萬里平。皆風華和文。瀟瀟乎盛世之音也。

宮詞四首

屏掩秦山夜漸長。秋來處處有新涼。一天明月星河澹。滿殿風吹茉莉香。秋深涼氣滿樓臺。落葉蕭蕭擁玉階。清曉九門金鎖掣。監宮先報進鷹來。勁翮凝霜。画不成。馬前多是內官擎鷹坊。下直人。金十問誰。貢河東白海青。三山冰合放鷹時。千騎如雲授指麾。日暮六街塵滾滾。馬前橫抱白鷄啼。

綠腰琵琶亦云六么琵琶

四面簾垂碧玉鈎，重重深院鎖春愁。綠腰舞困琵琶歇，花落東風懶下樓。

楊柳枝二首

春來折盡更逢春，舊折長條又復新。誰有行人相送別，今年不是去年人。  
莫折柔絲五尺金，一絲絲繫別離心。春風吹到無聲處，亂滾香綿結畫陰。

竹枝歌二首

春風滿山花正開，春衫女兒紅杏腮。儂家潯漿過江去，爲問阿郎來不來。  
巴山後面竹雞啼，巴水前頭沙鳥栖。巴水巴山到郎處，聞郎又過石門溪。

柳枝歌三首

白居易楊柳枝云：永豐西角荒園裏，盡日無人屬阿誰。宣宗朝樂工唱此詞，遂令中使取二株植於苑中。予於洪武年間至長安，尋訪永豐坊，乃在陝西城內東兩街，尚有垂楊柔枝拂地，愛而賦之。

蘇小門前萬縷垂，白家園內兩三枝。聽歌看舞人何在，惟有東風展翠眉。  
三月風和散麴塵，枝枝垂地每傷神。爲君繫得春心住，忍折長條送遠人。  
宛轉千條骨，晚風拖烟帶雨，渭城東。征衫點得輕，輕絮寄入陽關曲。調中

和白香山何處難忘酒六首

何處難忘酒年光似擲梭清明憐已過春色苦無多席上紅牙板花前皓齒歌此時無一盞爭奈牡丹何

何處難忘酒初秋暑尚存雙星渡銀漢微月照黃昏瓜菜排中閣笙歌拂小軒此時無一盞何以待天孫

何處難忘酒遙登庾亮樓歌聲通上界笑語在瀛洲玉宇晴無際水輪夜不收此時無一盞何以玩中秋

何處難忘酒重陽戲馬臺菰蒲隨水落橘柚待霜催蟋蟀吟將老菜莢插幾回此時無一盞黃菊向誰開

何處難忘酒寒窗一局碁新筍開竹葉老樹發梅枝撥火煨霜芋圍爐詠雪詩此時無一盞虛度小春時

何處難忘酒深冬掩鳳幃管絃清曉發獵騎夜深歸羊角旋風起鷺毛大雪飛此時無一盞辜負黑貂衣

擬不如來飲酒八首

莫向忙中去閑時自養神功名一場夢世界半分塵日月朝還暮時光秋復春不如來飲酒醉裏樂天真

寄語紅塵客其如歲月何新詩隨意寫時曲放懷歌老去朱顏改年高白  
髮多不如來飲酒看我舞婆娑

攪攘何因爾終朝傀儡牽望塵忙趁市滿貫苦多錢造物商巖板義和穆  
駿鞭不如來飲酒一醉大家眠

世態看來熟浮生何苦忙好花供老眼佳茗刷枯腸池上紅鴛並簾前紫  
燕翔不如來飲酒高臥北窗涼

故友成衰謝新交未是儔心勞悲幕燕計拙咲巢鳩莫作少年事休將老  
態愁不如來飲酒賞玩菊花秋

莫入三街市宜乘九夏涼隨緣得妙術守分是仙鄉寫字騰龍虎吹簫引  
鳳凰不如來飲酒爛醉錦華傍

羨我霜髯老逢時正太平園畦頻點檢書畫悅心情綠竹栽些箇紅棊着  
一枰不如來飲酒且莫問輸贏

幸喜身康健休論愚共賢詩聯有神助老懶得天全十日一風雨三家百  
頃田不如來飲酒同樂好豐年

朝謁皇陵

萬壑松風捲翠漪  
花間晴露滴征袍  
龍收夜雨歸滄海  
虎帶春泥過石壕  
千古袞旌滿玉匣  
九重宮殿壓金鰲  
橋陵謁罷頻回首  
五色氤氳王氣高

秋蟬

敗柳疎林寄此生  
涼時不似熱時鳴  
蛻形先覺金風動  
輕翼偏嫌玉露清  
抱葉常如經雨態  
過枝猶帶咽寒聲  
桑間此際蝶蛸老  
游息安閑莫漫驚

秋信

飄飄梧葉妥銀床  
天際初來鴈幾行  
露氣忽從今夜白  
漏聲偏覺五更長  
驚幽夢矣書千里  
有美人兮天一方  
報道桂花成蓓蕾  
雨餘庭院喜新涼

小亭即景

小亭西畔畫樓東  
開遍堦前芍藥叢  
梅子雨乾還有雨  
棟花風過更無風  
喜看池內魚生子  
鷺退簾前燕逐虫  
坐久忽聞黃鳥語  
綠楊深處午陰中

憶友丁大舍

國初勳爵之子未第爵者皆稱大舍如古云舍人也

故人一別一年餘  
轉眼光陰暑漸除  
南徼萬山常有夢  
中原六月尚無書  
窗前燭暗巴山雨  
江上颿留楚水魚  
準擬重陽定相見  
茱萸新酒候旋車

秋懷

樓閣涼生夜雨餘，碧天如水鴈來初。  
青山落日兩行泪，錦樹西風萬里書。  
溟海相思情愈切，梁園行樂興全疎。  
人還定把平安報，惟有霜華白滿梳。

雲英詩

雲英姓夏氏，憲王之官人也。生五歲，闇誦孝經七歲，盡通釋典。淡妝素服，色藝絕倫。其居曰端清閣，有端清閣詩一卷。年二十二，卧病，求爲尼，以了生死。受菩薩戒，作偈示衆，而卒。憲王自爲誌銘。

雲英何處訪遺蹤，空對陽臺十二峰。  
花院無情金鎖合，蘭房有路碧苔封。  
消愁茶煑雙團鳳，縈恨香盤九篆龍。  
腸斷端清樓閣裏，墨痕爛熳尚重重。

偶成二首

殷殷病骨覺清癯，心上清閑百事無。  
曉起灌園呼內豎，晝長臨帖寫官奴。  
宜人景物隨時好，垂老風情得自娛。  
且進一樽花下酒，便拚微醉不須扶。  
平生但樂迂疎趣，那得工夫計較愁。  
有酒便宜同客飲，無材何必爲身謀。  
推窗玩易風生樹，掃石焚香月滿樓。  
手種西園好花竹，可人佳景足歡遊。

靜坐

靜坐閑觀理自明，是非榮辱豈須爭。  
一身常在閒中過，萬事肯於先處行。

嫩竹半欹聽夜雨晚雲收盡看秋晴兩般清意誰能識世事交游物外情  
芸閣初夏卽事

玉階槐影綠陰陰長日清閑罷撫琴滿架除塵如散雪一畦萱草似堆金  
詩因中酒多隨意茶爲餽人不用心芸閣晚涼清興發兔毫新試寫來禽

悟道吟二首

慈悲爲雨法爲航心是蓮華性是香靜裏工夫些子力閑中議論許多長  
提攜一氣通金界顛倒三車運玉漿笑把明珠閑玩弄眉間萬丈白毫光

自從悟得真如理今古空談善有因撒手往來還是我點頭問訊屬何人  
安閑常樂勝中勝自在頻觀身外身大咲西來緣底事等閑識破便休論

暮春

九十春光似轉蓬半晴天氣霧溟溟一池新水今朝雨滿地殘花昨夜風  
白髮自憐詩興在紅顏莫放酒樽空閑看青簡思今古得失由來一夢中

送雪

天山一色凍雲垂卷畫樓臺綴玉時準備暖金香盒子明朝送雪與相知  
泃中風俗每歲遇初雪則以合子盛雪送與親知以爲喜慶置酒設席相

反身言事  
請歡飲亦昇平之樂事宮中尤尚之

臨安卽事

東雨寒烟滿戍城中烟外更傷情沙頭風靜鴛鴦睡嶺上雲深孔雀鳴  
番城白塩從海出野田青蔗繞籬生蠻方異俗那堪語獨立高臺泪似傾

老人燈

百歲身軀浪得名提攜何苦自勞形年來偏覺心腸熱老去祇餘臟腑明  
半夜風中常懊恨一生線上作經營可憐亦被風光引擺手搖頭學後生

暮春久陰寒風雨

蝶怨蜂愁靜小園陰寒已過勒花天雨中狼藉榆錢少風裏飄揚柳絮顛  
堪笑一春惟飲酒自憐三月尚衣綿海棠開盡薔薇老孤負芳辰又一年

登城有懷

一上高城思渺冥情懷如夢復如醒長河濁浪從來急嵩岳高峰分外青  
樵徑遠繁芳草岸漁舟閑傍夕陽汀登臨感慨斜陽外望盡長亭復短亭

秋涼

蒼涼初日照簾櫳秋氣清高八月中滿砌寒蛩啼冷露一天新鴈度西風

酒懷得酒如春暖老眼看花似葉紅  
獨坐小軒無箇事  
悶來聊復理絲桐

元宮詞一百首

序曰元起自沙漠其宮庭事蹟迺夷狄之風無足觀者然要知一代之事以記其實亦可以備史氏之采擇焉永樂元年 欽賜予家一老嫗年七十矣迺元后之乳姆女常居宮中能通胡人書翰知元宮中事最悉聞常細訪之一一備陳其事故予詩百篇皆元宮中實事亦有史未嘗載外人不得而知者遺之後人以廣多聞焉永樂四年春二月朔日蘭雪軒製萬曆中鄉人無效祖序云周恭上所撰恭王受封在 世廟時傳寫之誤也

大安樓閣聳雲霄列坐三宮御早朝  
政是太平無事日九重深處奏箴韶

周伯琦詠大安閣曾堯複開接青冥  
金色浮圖七寶樓當日熙春今避暑

灤河不比漢昆明注云故宋熙春閣移建上京張昱輦下曲祖宗詐馬宴  
灤都酒酒嗥嗥載懸車向晚大安高閣上紅羊雜帝掃珍珠

春日融酥上翠臺芳池九曲似流杯  
合香殿外花如錦不是看花不敢來

樓殿巍巍西內中御筵簫鼓奏薰風  
諸王駙馬咸稱壽酌葡萄酒飲玉鍾

張昱輦下曲國戚來朝搃盛容  
左班翹翹右王封功臣帶灤河山誓萬歲

列朝詩集乾下

卷下

滿酌大金鐘

兩順風調四海寧丹墀大樂列優伶年年正旦將朝會殿內先觀玉海青  
相尤思官詞元戎承命獵郊坰勒賜新羅白海青得傳騎來如奏凱天聲  
馳進入宮庭注海青海東俊鶻也白者尤貴

東風吹綻牡丹芽漠漠輕陰護碧紗向曉內園春色重滿欄清露濕桃花  
上都四月衣金紗避暑隨鑿卽是家納鉢北來天氣冷只宜栽種牡丹花  
合香殿倚翠峰頭太液波澄暑雨收兩岸垂楊千尺荷花深處戲龍舟  
張昱筆不盡直教海子望蓬萊青雀傳言日幾回爲造龍舟養天好院家  
催畫圖來

屍諫靈公演傳奇一朝傳到九重知奉宣齋與中書省諸路都教唱此詞  
膳粉錢開歲歲新例教出外探諸親歸來父母曾相囑侍奉尤當效力頻  
興和西路獻時新猩血平波頽頽勻捧入內庭分品第一時宣賜與功臣  
王孫王子值三春火赤相隨出內門射柳擊毬東苑裏流星駿馬蹴紅塵  
來後燕京雜詠錦貂公子躍龍媒不怕金吾夜漏催阿刺聲高檀板急棕

毛別殿宴春回

闌闔門開擁鉞旄千官侍立曉星高尚衣欲進虬龍服錯捧天鵝織錦袍  
侍從常向北方遊龍虎臺前正麥秋信是上京無暑氣行裝五月載貂裘  
清寧殿裡見元動侍坐茶餘到日懸旋看內官開寶藏剪絨段子御前分  
瑞氣氤氳萬歲山碧池一帶水潺湲殿傍種得青青豆要識民生稼穡難  
柳九思官詞黑河舊里連沙漠世祖深恩創業難數天闕千護春草丹墀  
留與子孫看注日祖祖建文內移沙漠莎草于丹墀示子孫無忘草地也

一段無瑕白玉光來從西域獻君王製成新樣雙龍鼎慶壽宮中奉太皇  
燈月交光照綺羅元宵無處不笙歌太平官裡時行樂輦路香風散玉珂  
玉京涼早是初秋銀漢斜分大火流吹徹洞簫天似水半鈞新月挂西樓  
五色雲生七寶臺小山上數峰排奇花異艸香風度不是天仙不到來  
蜜漬金桃始獻新禁城三伏絕驚塵炎蒸微至清寧殿玉杵敲冰賜近臣  
幾番怯薛上班慵生怕鸞輿又到宮一自思歸西內日飛魚閒挂寶雕弓  
初調音律是關卿伊尹扶湯雜劇呈傳入禁垣官裡悅一時咸聽唱新聲  
擬擬擯官錄開闕遺音樂府傳白翎飛上十三絃大金優諷闕舞在伊尹

扶湯進劇編

牙直言集卷一

一三

十六天魔按舞時寶粧纓絡闊腰肢就中新有承恩者不敢分明問是誰  
張昱輦下曲西方舞女卽天人玉手曇花滿把青舞唱天魔供奉曲君王  
長在月宮聽薩都刺上京諫涼殿參差翡翠光朱衣華帽宴親王紅簾尚  
捲香風起十二天魔舞袖長

背番蓮掌舞天魔二八嬌娃賽月娥本是河西泰佛曲把來宮苑席前歌  
張昱輦下曲西天法曲曼聲長瓊玲垂衣稱豔妝大晏殿中歌舞上華嚴  
海會慶君王

上都樓閣靄雲煙風俗從來朔漠天自是胡兒無禁忌滿宮嬪御唱銀錢  
侍從皮帽總姑豚吾吾高冠勝六珈進得女真千戶妹十三嬌小喚茶茶  
杏臉桃腮弱柳腰那知福是禍根苗高麗妃子初封冊六月陰寒大雪飄  
張昱宮詞官衣新尚高麗標方領過腰半臂裁連夜內家爭借看爲曹着  
過御前來

官裏前朝駕未回六宮迎輦殿門開簾前三寸弓鞬露知是嬖嬖小姐來  
深宮春暖日初長花氣渾如百和香睡足倚欄閒坐久比玉聲裡撥當當

張昱宮詞和好風光四月天百花飛盡感流年  
宮中無以消長日自野龍  
頭十二絃

二十餘年備掖庭紅顏消渴每傷情  
三弦彈處分明語不足歡然怨聲  
月明深院有霜華開遍階前紫菊  
花涼入繡幃眠不得起來倚下  
打毬  
死內蕭牆景最幽一方池閣正新  
秋內臣淨掃場中地宮裏時常  
打毬  
珊瑚枕冷象牙牀耿耿青燈伴  
月光不是宮闈有仙境如何覺  
得夜漏長  
金風苑樹日光晨內侍鷹坊出  
入頻遇着中秋時節近剪絨  
花  
金鴨燒殘午夜香內家初試越  
羅裳芳容不肯留春駐幾陣  
東風落海棠  
梨花素臉鬢盤籠南國嬌娃乍  
入宮無奈胡姬皆笑倒亂將  
脂粉與添紅  
自供水苑久司茶覽鏡俄驚歲  
月加縱使深宮春似海也教  
雲鬢  
凋  
鬢輕寒透鳳幃夜深前殿按  
歌歸銀燭燼香銷鼎困倚屏  
風  
奇氏家居賜綠東盛年纔得位  
中宮翰林昨日新裁詔三代  
蒙恩  
湖上駕鴨映水明海青常是內  
官擎二宮皇后隨鑾駕輦內  
開簾看放鷹  
緩抹參官上直時丹墀千隊  
列旌旗殿前每遇觀西馬詔  
許宮臣  
柯九思宮詞高鼻黃髮塞胡  
殿前引貢畫龍駒化移天步  
臨軒看壽試

憔悴花容只自知，番思嬌小入宮時。經年不識東風面，感損春山爲阿誰。  
小樓春淺杏花寒，象鼎烟銷寶篆殘。情思不忺梳洗嬾，半偏雲鬢倚闌干。  
年年避暑出居庸，北望灤京朔漠中。經過縉雲山水秀，吳姬疑是六江東。  
柳九思宮詞黃金帳殿載前車，象背駝峯盡寶珠。三十六宮齊上馬，太平清暑幸涼都。

鬼赤遙催駝鼓鳴，短簷氈帽傍車行。上京咫尺山川好，納鉢南來十八程。  
張昱輦下曲當年，大駕幸灤京。象背前秋帳殿行，國老手能引雪白頭。  
連騎出都城，周伯琦。危從詩序曰：國語曰：納鉢者，稱漢言宿頓所也。

清曉龍闈侍寢回，蓬鬆雲鬢對粧臺。綺窗昨夜東風暖，一樹梨花對面開。  
金蓮處處有花開，斜插雲鬟咲滿腮。輾軾向南遵舊典，地椒香裡展平回。  
奎章閣下文詞盛，太液池邊遊幸多。南國女官能翰墨，外間抄得竹枝歌。  
楊維禎宮詞海內車書混一時，奎章御筆寫烏絲。朝來中使傳宣急，南國宮娥拱鳳池。

一別諸親三十載，詔令相見出宮垣。就中苦樂誰知得，內侍叢中不敢言。

祈雨番僧鮓答各降龍刺馬胆巴餅牛酥馬乳宮中賜小閣西頭聽喇經  
張昱鞏下曲守內番僧日念叫御前酒肉長時供組鈴扇鼓諸天樂知在  
龍宮第幾重

上都隨駕自西回女伴選騎駿馬來踏遍路傍青野非白翎飛上李陵臺  
楊維禎官詞雜人報曉五門開鹵簿千官泊帝臺天上鴛鴦先有信九重  
參駕上都迴注每歲此禽先駕往返

隊裏惟誇三聖奴清歌妙舞世間無御前供奉蒙深寵賜得西洋塔納珠  
張昱鞏下曲教坊女樂頗時秀豈獨歌傳天下名意態由來看不足得藤  
半面已傾城

按舞嬋娟十六人內園樂部每承恩纒頭例是宮中賞妙樂文殊錦最新  
月宮小殿賞中秋玉宇銀蟾素色浮宮裡猶思舊風俗鴈鴦長遂序梁州  
比脚裁成土豹皮着來暖勝黑貂衣嚴冬校獵昌平縣上馬方纔賜貴妃  
楊維禎宮詞北幸和林壘殿寬句麗女侍使仔官君王自職明妃曲勅上  
琵琶馬上舞

月夜西宮聽按箏文殊指撥太分明清音劉亮天顏喜彈罷還教合鳳笙

包髻團衫別樣粗東朝謁罷出宮牆內中多有親媿妓潛與交州百和香  
十五胡姬玉雪姿深冬校獵出郊時海青帽暖無風冷豎髮偏宜打練推  
夜深燒罷斗前香旋整雲鬟拂御牀遇着上班三鼓盡內庭猶自未擡羊  
未復燕京雜詠秋滿龍沙草已霜射墜風惡朔雲長內官連日無宣喚獵  
取黃羊進尚方

綵繩高挂綠楊烟人在虛空半是仙忽見駕來頻奉旨含羞不肯上鞦韆  
張昱宮詞頻把香羅拭汗腮絳雲昔縮未曾開相扶相曳還宮去咲說秋  
千架下來

承寵嬌行寶殿前新裁羅扇合歡圓進來不爲涼風好欲諷君心莫棄捐  
大都三月柳初黃內苑羣花漸有香小閣日長人倦繡隔簾呼伴去尋芳  
腰肢瘦弱不勝裙病裏懨懨過一春因識玉顏多寵幸殿前催得大醫頻  
安息薰壇遺衆魔聽傳秘密許宮娥自從受得毘盧咒日日持珠念那摩  
張昱筆下曲似將慧日被愚昏白日如常下釣軒男女傾城未受戒法中  
秘密不能言

壺聚喧闐苦不禁不魯竿后喻言深東安州裏池塘靜鼓吹無聞直到今

暑風催雨滴簷楹深院吳姬睡不成夢入西湖盞蓮葉起來彈泪到天明  
白酒新篔進玉壺水亭深處暑全無君王笑向奇妃問何似西涼打刺蘇  
海晏河清罷虎符閒觀翰墨足歡娛內中獨召王淵畫榻得黃筌孔雀圖  
御溝秋水碧如天仙憶當時事惘然紅葉縱教能寄恨不知流得到誰邊  
獨木涼亭錫宴時年年巡幸孟秋歸紅粧小伎頻催酌醉釀胡兒阿剌吉  
張昱塞上詠胡姬二八說如花留宿不問東西家醉來拍手趁人舞口中

合唱阿剌剌

燕子泥香紅杏雨茗花風澹白鷗波一年春事閒中過鏡裡容顏奈老何  
春遊到處景堪誇厭戴名花插墊花笑語嬾行隨風輅內官催上駱駝車  
諸方貢物殿前排召得鷹坊近露臺清曉九關嚴虎豹遼陽先進白鵬來  
騎來駿馬響金鈴蘇合薰衣透體馨吾珠冠高尺五暖風輕長鳴鷄翎  
秋深飛放出郊行選得馴駒內裏乘墊雉滿鞍如綴錦馬前珍重是黃鷹  
張昱輦下曲天朝習俗樂從禽爲按名鷹出郎陰立馬萬夫齊指望平生

雲影雪沉沈

江南名伎號穿針貢入天家抵萬金莫向人前唱南曲內中都是北方音

列朝詩集卷下

下

地寒不種芙蓉樹，土厚宜栽栝子松。清曉內官呼綵燈，各官分賜牡丹叢。  
西山晴雪玉圍屏，隨駕登樓眼界明。供奉女兒偏覺冷，貂裘特賜荷恩榮。  
月錢常是散千緡，大例關支不是恩。南國女官呼姓字，只愁國語不能翻。  
張昱筆下曲守官妃子，任東頭供御衣櫃不外求。牙杖領，唐護關廟禮遊。  
佑服待宸遊。

海千東頭暗綠槐，碧波新漲灑無涯。瑞蓮花落巡遊少，白首官人掃殿堦。  
河西女子年十八，寬着長衫左掩衣。前向攏頭高一尺，入宮先被衆人譏。  
百年四海罷干戈，處處黎民鼓腹歌。偶值太平時，節久政聲常少樂聲多。  
鹿頂殿中逢七夕，遙瞻牛女列珍羞。明朝看巧開金盒，喜得菴絲咲未休。  
春情只在兩眉尖，嬾向粧臺對粉奩。怕見雙雙鶯燕語，楊花滿院不鉤簾。  
白露橫空殿宇涼，房頭拂洗舊衣裳。玉欄金牛西風起，幾葉梧桐弄晚黃。  
健兒千隊足如飛，隨從南郊露未晞。鼓吹聲中春日曉，御前威着只孫衣。  
柯九思宮詞萬里名，上盡入朝法官置酒奏簫韶。千官一色真珠襖，寶帶  
撥裝穩稱腰。周伯琦詐馬行序曰：只孫宴者，只孫華言一色衣也。俗呼曰

詐馬遊。

天馬西來自佛郎  
國人勅寫文章翰林國語重翻譯  
魯諸營賜百張  
低縮雲鬟淺淡粧  
從來閣內看諸王  
祇緣謹厚君心喜  
令侍明宗小影堂  
二弦聲裏實清商  
只許知音仔細詳  
阿忽令教諸伎唱  
北來腔調莫相忘  
織絨初月鵝黃嫩  
淺淺方池鴨綠澄  
內苑秋深天氣冷  
越羅衫子換吳綾  
凶吉占年北俗淳  
旋燒羊胛問祇神  
自從受得金剛券  
摩頂然香告世尊  
內中演樂教師教  
凝碧池頭日色高  
女伴不來情思懶  
海棠花下共吹簫  
來復燕京雜詠  
鵲綠微生太液波  
芙蓉楊柳受風多  
日長供奉傳新譜  
教

新天魔隊子歌

大宴三宮舊典謨  
珍羞絡繹進行廚  
殿前百戲皆呈應  
先向春風舞鸚鵡  
典聖宮中侍太皇  
十三初到捧鑪香  
如今白髮成衰老  
四十年如夢一場  
萬草顏色熟櫻桃  
樹底青青草不薶  
生怕百禽先啄破  
護花鈴索勝琅玕  
昨朝進得高麗女  
太半咸稱奇氏親  
最苦女官難派散  
總教送作二宮嬪  
寶殿遙聞珮玉珊  
侍朝常是奉宸歡  
要知各位恩深淺  
只看珍珠豸冠  
元統年來詔勅殷  
中書省裡事紛紜  
昨朝傳出宮中旨  
江淞支鹽數萬斤  
穀雨天時尚薄寒  
梨花開謝杏花殘  
內園張蓋三宮宴  
細樂喧闐賞牡丹

新頒式樣出宮門不許倡家服用新伎女紫衣盤小髻樂工咸着戴青巾  
夢覺銀臺畫燭殘窗前風雪滿雕欄爲嫌衾薄和衣睡火冷金爐夜半寒  
聖心常恤發焉貧特勅中書賜絹銀分得不均嗟怨衆受恩多是本朝人  
曉燈垂燄落銀缸猶自春眠近小窗喚醒玉人鶯語滑寶釵敲枕理新腔  
元宮詞百首勝國事蹟粲然在目昔遷固最號博洽後葛洪等三輔黃圖  
等書紀秦故事多遺闕所不載觀者每有今古廢興之感然則是編者不  
獨可爲多聞之助云爾 隆慶四年二月龍莊 甄敬議

覽周藩王宮辭 五首

王宮辭舊無人作予遊梁數載據所聞於梁人者擬作數首非云孤闕亦  
借以存秘事云爾

春殿牙籤萬軸餘香勻風細綠窗虛侍兒臨罷誠齋帖函出先呈女較書  
蕭蕭修竹吹池寒分汲銀瓶灌牡丹報道花朝開內宴競持金剪遶朱欄  
夜來行樂鴈池頭侍女分行秉燭遊唱徹憲王新樂府不知明月下樊樓  
叢生桂樹後山園花石猶傳宋代留宮嫗引來巖際望蔡河春浪拍天浮  
吹臺南下令墜墳憶昔從王掌秘文今日綺羅何處是野花啼鳥自紛紛

陳下周亮曰牛左史不知其名或曰武功人余初從家大人手錄詩卷中  
得之詩雖五章然可代繁華錄數卷按左史名祖武功人嘉靖乙未進士  
有才名爲劉繪所推

### 秦康王

王諱志潔秦愍王之孫懷王無子以富平王進封仁愛恭敬強學好古宣  
德四年疏辭護衛在位二十八年有默庵集若干卷

### 送名醫凌漢章還茗三首

微恙年來不易攻速煩千里到關中尋常藥餌何曾効分寸鍼芒却奏功  
繁馬未能留信信趣裝無奈去匆匆一尊酒盡傷離思目斷南鴻灞水東  
術傳盧扁字鍾王底事來遊便趣裝熟路也知車載穩清時何用劍生鏗  
雞鳴函谷三更月楓落吳江兩岸霜歸到蒼溪許舊侶畫船詩酒水雲鄉  
東書孤劍別西秦紅樹青山潑眼新千里風塵雙短鬢五湖烟水一開身  
暮  
回孤館寒砧急望入遙空候雁賓料得紀行多賦咏雲雙無雁寄陽春

### 秦簡王

王諱成泳秦愍王五世孫康王之孫惠王之子也年十歲康王妃陳教以

小學日記唐詩一章惠王聞吳人湯濟名能詩請爲教授傳聲律之學嗣  
位後日賦一詩積三十年王醉雅有簡押博通群書布衣蔬食延攬文儒  
竟日譚論不勅王府護儀子弟得人贊官自王始也弘治十一年麓謚曰  
簡妃某氏命紀善強晟校刻其詩曰賓竹小鳴集嘉靖元年王孫定王惟  
焯表上之詔送史館

均天曲

飛遊鬱羅境倚首東王公開軒臨法座置酒燕靈宮紫雲歌玉女瓊漿酌  
金童揮刀麟脯細入筋鬱膏空鳳簫聲嫋嫋鼉鼓鳴逢逢投壺起天笑吹  
律回春融燕罷百神散樂闌萬舞終啼來倚餘醉憑虛馭剛風

折楊柳

靈州城下柳多被官軍竊猶餘拂地條更苦行人折無復眼窺春不見花  
飛雪今君赴玉關將何贈離別

隴頭吟

萬里奔馳隴頭水日夜嗚嗚亂人耳黃沙白草兩茫茫怕聽水聲愁欲死  
一從結髮成涼州鐵甲磨穿已禿頭兒孫養得諳胡語不如隴水解東流

上皇三臺

沉沉漏幾更，轉不勝情。南內凄凉處，梧桐夜雨聲。

楊白花

楊白花隨風無定止，飄然一去太無情。飛度江南幾千里，可憐落水化浮萍。浮萍無復隨風起，宮中美人連臂歌。此情不斷如春水。

上邪

上邪我欲與君相知，永無休期。馬生角，慈烏頭白，天柱折，地維缺，華嶽兀，天地無日月，乃敢與君絕。

春詞

海棠枝上鵲聲乾，羅幙重重護曉寒。初日半林珠露重，脆紅無數壓闌干。

題王舜畊画

翠壁丹崖淡夕烟，往來麋鹿自成群。仙家住在空青外，只隔桃花一片雲。

秋夜

秋聲溢耳不堪聽，燕坐高齋戶半扃。鬢月滿窗明似畫，梧桐如雨下空庭。

武功道中

五原三時隔西東此地人言是武功楊柳池塘科斗水杏花村店酒旗風  
農耕綠野春臺裏客在青山罨畫中日暮官程催去馬樹頭微雨正濛濛

蜀成王

王諱讓樹蜀獻王五世孫昭王之子也蜀自獻王後四葉皆有文集行世  
昭王仁厚好儒術孝宗皇帝賜詩以河間禮樂江夏忠勤爲比王好學  
手不釋卷日觀經史臨法書作詩屬對皆有程要嘉靖二十六年薨謚曰  
成有長春競辰集楊慎序之

春日

明窗長晝獨從容單袷閑來坐暖風朱戶柳晴鶯未語閑階苔爭蟻相從  
青茸草色吟邊綠灼灼花籌酒裡紅春事近來渾不管楊花飄泊畫樓東

擬古宮詞一百首今錄三十首

無語凭欄珠泪滑雙眉蹙蹙鎖春山可憐空長彤宮裡二世光陰半世閒  
半掩殘燈半掩明前生薄幸在今生凄凉最苦秋宵永風冷堦蛩伴雨鳴  
靜院深深畫情然幾時好夢得捫天此生莫恨因緣淺還有來生五百年  
鸞鏡生塵十載多羞看影舞婆娑殘脂剩粉無人掃隨水流來漲御河

鴈稜月上晚嵐空影透房櫳冷帳中孤枕蕭條魂夢斷滿腮紅泪濕西風  
青春一去豈重來轉轂韶光日夜催三百六旬空悵望朱門經歲不曾開  
玉露侵堦點翠苔金波穿牖共徘徊潛身坐倚梧桐樹待學吹簫等鳳來  
空有華堂十數重等閑不復見君容俄聽玉輦聲纔過恨却監宮急急封  
五雲高護鳳樓深風度時來斷續音樓上君王自聽得盡知合院動秋砧  
睥睨鴉喧曙色明麗譙隱隱盡鐘聲各宮裝束焚香候只恐君王道院行  
默默心情向阿誰纖腰瘦怯畫中人良辰美景番成恨忘却新春與舊春  
看玉翌日宴長春霖雨迷漫薄土塵特令滿宮來慶止一時懸挂掃晴人  
春景流鶯語漸稀倚窗撫景泪沾衣廉纖微雨濛濛拂零落殘花片片飛  
向煖嬉遊笑語歡官官忽道過金鑿傳呼聲急人皆避盡閉窗櫺紙隙看  
銀牀雨滴伴蒼梧香爐孤窗暗鴨爐濕氣生寒人跡少紫苔重疊滿金鋪  
粉翠沉埋豈自由空房獨守幾時休風凋月落宮牆內知是人間又報秋  
新觀玉曆識正初泰運三陽謁帝居御座今安圓閣子誼中欲置女尚書  
禁宮宮女三千室多下朱簾晝掩窗爲避春光羞獨見花間恨殺蝶飛雙  
城外晴風捲薄塵傳言都道踏青人繁華滿目開如錦惟此宮中不見春

綺窗垂柳影婆娑長日花磚未肯過六院不通人語寂一雙鸚鵡巧言多  
北斗闌干夜未央金鑪侍女更添香穿窗月射鴛鴦枕半隱燈光在小床  
獨臥空床倦不言半肩疎牖面南垣低簷霧鎖黃昏候投宿寒鳥逐對喧  
內池春水鴨頭綠上苑晨花猩血紅蜂蝶叢花驚戲水一齊著意向東風  
漏殘鷄唱曙光時壁月穿花影漸移欲畫愁眉羞對鏡黃鸝飛上萬年枝  
宮牆西堊對殘霞結陣翩飛逐暮鴉廉幕飄搖風動處有情雲燕自啼家  
綠竹脩脩隔短牆黃昏淒雨洒瀟湘夢回窈掩銀缸冷蟋蟀聲中秋夜長  
人人都道得神仙那得鄴陽甘谷泉何似上陽宮監好長門春老不知年  
浙浙淒風匝鳳幃墮窗那得見晴暉廉纖微雨侵堦濕嗚咽橫空啄木飛  
金鑲重門靜院空翠華一公寂無蹤玉樓歌吹隨風斷滿地桐陰泣泪紅  
白雪漫漫積禁堦夜寒宮月照玻璃曉來宮女喧看處掃向盤中捏後猊

蕭靖王

王諱真淤蕭恭王之子也弘治四年封世子嘉靖五年卒謚安和以次子  
彌枕嗣王追贈謚曰靖王博雅好文詩調高古言邊塞事尤感慨有意

步虛詞

一首

瑤壇深處磬聲微，羽客朝元午夜歸。  
青鳥過湖雙翅舞，彩霞琪樹共氤氳。  
七色班虬駕鶴群，玉佩冷搖滄海月。  
霓裳晴帶絳霄雲，碧桃花綻春方永。  
金鼎丹成火自焚，清夜朝元向天闕。  
空歌聲在始清聞。

塞上二首

天山奇絕成樓中，雷角鳴咽晚空沙。  
積雨飛逢箭鏃戰場風，急轉河蓬  
李陵望國臺，猶在蔡琰悲笳怨。  
未窮獵騎遙，邊人霜霧鷓鴣泉。  
外夕陽紅，蒼雲白草出關多。  
颯颯風吹積石河，少婦愁添關裏思。  
征人汨落隴頭歌，受降城外單于獵。  
溫宿營邊漢使過，強欲從軍事鞍馬。  
馮唐已老復如何。

春日田家

屋後青山門外溪，小橋遙接稻秧畦。  
人家遠近蒼烟裏，桑柘陰陰戴勝啼。

塞上曲 謀璋日此詩旨趣沈雄王龍標不能過也

遠出漁陽北，擊胡將軍談笑挽雕弧。  
千金底購單于首，贖得沙場戰骨無。

伊州歌

霜重榆關下角鷹，水寒蒲類半成冰。  
馬嘶部落征笳動，夜月穹虛泣李陵。

潘安王

王諱銓銖初封靈川王謚恭懿以長孫胤核嗣潘贈潘安王號凝齋道人  
有凝齋稿

登樓懷古

大火西流漸屬金登樓懷古獨傷心秦城已廢烽烟息晉嶺空高草木深  
落日鴉聲依遠樹殘更螢點聚疎林英雄回首皆黃土獨有寒雲鎖暮岑

新春

東風一夜早春來梅萼飄香帳殿開旋簇五辛宜稔歲太平無日不啣杯

潘憲王

王諱胤核號南山道人嘉靖十年自靈川王嗣封天賚秀傑號好文學上  
疏乞內府諸書詔以五經四書賜之二十八年薨有保和齋稿謝榛曰王  
素嗜談禪詩亦妙悟其夜雨頭聯云樹濕鴉群重雲低龍氣腥詞人皆爲  
斂筆

枕上

展轉殊無寐秋深感二毛城鴉催曉色庭樹起寒濤往事意何拙浮生心

自勞河間今已矣寧不愧吾曹

和懶雲上人韻

幽徑斷行蹤浮圓對遠峰結冰堅碧沼凝雪老  
青松雙樹下開講千燈中  
現容天空雨花徧門有白雲封

再哭南臺從弟二首

春園花樹手親栽人去空餘草木哀風雨夜來  
誰愛惜庭前折盡嫩枝梅  
千金用盡斃琵琶一旦長拋巷柳花回首紅顏  
似塵土綠珠不屬季倫家

德平榮順王

王諱胤履號南岑道人潘惠王第二子與其兄  
憲王以文雅齊名有集書  
樓稿

送焦明府之鳳翔縣在漢中

馬首垂叢路茲行亦壯遊天青三峽曉雲碧萬  
山秋鶯浴盤渦水猿啼古  
驛樓君才非百里早晚夢刀州

贈別素愚上人

釋子來何處廬山復太行翻經淹歲月補衲犯  
冰霜浩劫塵緣盡彌天覺

路長智珠元不染好去照殊方

潘宣王

王諱恬皎號西屏道人憲王之子嘉靖三十一年嗣博學工詩才藻秀逸  
萬曆初年薨有綠筠軒藁

初秋寄成都宋推府

關河西極目山迥地連空鄉思牽梅柳家書托鴈鴻繁雲懸鳥道瘴霧失  
蚕叢坐聽鳴笳遠悠然慷慨中

寄懷大司馬郭公二首

早歲論交卽見知幾年良晤信難期停雲北極頻回首落木西風獨賦詩  
金甌鹽梅殷相業玉階劔履漢官儀秋高選將清邊徵畫省憂心退食遲  
征驂別後幾登樓極目山川憶舊游鼎鼎霜華寒已返冥冥雲物夕仍留  
九關甲士圖功日三輔丁男習戰秋聞道天驕還北遁萬年佳氣繞皇州  
賦得聞鶯送客

隔市炊烟曙色遲小城初霽客來時嬌鶯歷歷啼芳樹不解春風有別離

鎮康王

王諱恬焯號西巖潘憲子元子 幼宗勅褒曰孝義純良王有題瞻雲樓詩云江樓懸樹杪山色到窗中陪主謂瑩云仗劃浮雲破旗衝過鳥樹謝茂秦亟稱之

奇贈楊二山中丞以關內移撫山右

貴辰一旦聖書催早發秦城啓戟開二華曾留標勝賦三關更見折衝才  
昔沙落日開戎壘古木飛霜凜憲臺壯士應看射雕處不教胡馬慕南來  
安慶王

王諱恬燿潘憲王七子號西池道人穆宗救褒曰孝敬經濟有嘉慶集此亦謝茂秦所賞也

贈別玉峯上人

山去迢遞飛錫有誰同行苦三乘裡心開萬法中定回雲滿榻偈後月  
低空相憶聽鐘磬冷然度曉風

潘定王

諱瑄堯宜王之子也萬曆十二年襲封天啓元年薨

擬古官詞二首

君王退早朝，走馬長門左。朱樓十二重，未啓黃金鎖。春陰書閣寒，坐撥沉香火。

聞道收遠左，中宮上壽卮。隨班春殿裏，消息未全知。金縷麒麟服，傳宣賜太師。

山僧

山僧惟一食，獸上危峰行。蕭蕭林木秋，衆禽多悲鳴。我亦有腊血，慰汝饑渴情。但恐谿谷勝，失此衣珠明。徘徊竟無語，落日寒雲平。

寒食曉行

輕軒衝曉色，迢遞柳溪邊。野澗群山小，雲低片雨懸。杏花初熟，酒榆火乍浮。烟寂歷啼鶯處，傷春似舊年。

落葉

林塘寒雨後，撼撼下秋棚。綠已隨衰草，黃仍綴斷藤。高枝全見月，低鳥暗窺燈。不隔東窗曉，幽居愛早興。

春日遊柏谷山寺二首

臘屐堪乘興，徘徊蒨蘿天。臨丹榜近山，入白雲多鳥。道無方軌龍，湫有

晴波何時值野老長嘯出重阿  
天外閒清梵晨光滿翠微杖藜蒼蘚滑  
斷藥紫參肥松偃雲垂蓋花分露  
濕衣一僧能話古去住轉忘機

和佢齋舅答程太守見貽韻

高懷少塵鞅貫酒訊山居閒暮蟲絲  
下秋盤鮭菜餘雨寒新菊吐霜晚故  
林疎滿架多緗帙清談任卷舒

山行

丹地轉嶙峋山寒未覺春枯藤懸古木  
獨鳥咤行人崖斷才分逕雲低欲  
拂巾潮看天路近下界積微塵

寄題林慮山趙煉師精舍

壺關跨天黨中有地仙鄉曲躋懸星  
斗危峯度石梁泉聲當戶落藥氣入  
雲香何日同真隱來尋出世方

勉學書院侍父王應教

書幌晴開紫桂間朝來滿座見青山  
茶烟織樹微分縷竹色依簾更着斑  
風散百花隨仗下天空雙鶴帶雲還  
談經晝永聞清讌几席時時奉睿顏

送呂中甫還四明和程太守韻

復看征索去匆匆况是春山暮雪中  
舊社音書王屋下老年杖履鏡湖東  
金鵝樓隱滄洲月木阜松含碧落風  
別後有懷誰共寫祇應惆悵數南鴻

春日樓居

自甘養拙轉愁輕高臥春風潞子城  
幾處斷雲還歇鳥誰家深樹響流鶯  
校書積歲非成癖樂聖當時已近清  
萬事古來惟結舌傳經應許漢更生

寄黃鍾梅比部

芙蓉雙闕散晨暉遙憶仙郎寓直歸  
風度鶯聲過御苑青分柳色上朝衣  
開簾清署文流集點筆閒窗春鳥啼  
爲念故人頻問訊析津南望有鴻飛

次黃比部題馬門閣韻

中華形勝一關分負馬胡兒動百群  
城畔星槎留使者轅門夜鼓宴將軍  
新開漢壘多遙制重譯番書始上聞  
獨有仙曹詞賦客醉凭高堞望南雲

保定王

王諱埜坦濬宣王第二子有清苑山房集

上巳侍王駕登五龍山應教

鸞輅乘春攬物華翩翩千騎擁朝霞翠陰不闕松開幕香靄平分樹吐花  
地王龍君迎羽蓋山靈玉女獻胡麻憑高指顧提封遍瘠藻千年壯帝家

趙康王

王諱厚煜莊王子也正德十六年嗣嘉靖三十九年薨王性和厚嗜學博  
古文藻弘麗折節愛賓客戶履恒滿文酒讌游有淮南梁苑之風有居敬  
堂集十卷先是彰德判田時雨郡守彭汝礪數以事裁抑諸宗人榜繫其  
僕隸王使人求解弗聽王聞之咄咄不樂會暴疾薨成阜王載垆上疏訴  
王謂用前事忿恚自經詔逮時雨送河南棄市汝礪戍極邊

百卉亭聯句

吾家亭子百花園簾捲東風蝴蝶飛  
斗酒十千須盡興滿園春色照人

衣謝

暝日微風作好春漫將詩句報花神  
駝樽前待上河間頌松柏千年伴主

人謝

送句吳茂才顧聖少北上

北去渡滹沱春風一騎過入燕投刺少留趙  
著書多明月頻呼酒青天

放歌他時望南國湖上有烟蘿

擬出塞

却護行邊日胡天雪正飛朝傳青海檄暮解白登圍龍虎行韜畧風雲入  
指揮何當請長組生繫犬戎歸

蒞莊王

諱厚燁益端王之世子 憲宗皇帝之孫也醇粹睿學留心經史嘉靖

十五年薨有勿齋文集

登山

屏跡書巢寂寞間籃輿乘興遠登山山雲挾雨忙飛去不得逍遙共我閒

# 列朝詩集

乾集之下